

瓦釜集
乾

柳田文庫
文庫11
D 189
1



文庫 11

D 189

1

瓦釜集



蘭曾海濱廢物宇內棄人足不出於戶庭病常綿
 夫歲月一技罔成半生落魄昔之壯也猶不如人
 今之衰也復何所望然而息心晏坐無如博奕之
 賢清晝安眠莫避糞牆之責用是不揣孤陋時涉
 畧乎詩書偶有見聞每溺情於吟詠雖窺天以管
 或慙乎斗酒百篇而擊壤以歌殆庶乎千慮一得
 是以爾室逍遙不覺馮唐首白素懷冷淡何期阮
 籍眼青幸天下之承平託先人之餘蔭琴樽書畫
 可無造次之憂茶竈藥鑪頗得性靈之助且夫是

010190558229

非必百年而後定得失本寸心之獨知故闡麟經
於仲舒則及門目爲大愚矣賦鴻都於太冲則當
時譏遺儉夫矣浪仙瘦詞遇昌黎而乃識伯祥苦
搆得坡翁而始傳文章無定知已恆希甄賞難期
古今共慨矧余小人連年善病將身是隱又焉用
文乃中心所好敢云壯夫不爲而故我依然豈冀
空言垂世未能免俗聊以自娛爰成短敘數行藉
就同人共正云爾岢

道光十有九年歲在己亥仲春下浣芝亭高蘭曾

自誌於城南之鋤月山房

瓦釜集樂府古今體詩初編總目

平湖 高蘭會 楚薊

卷一

古今體詩七十首

卷二

古今體詩七十四首

卷三

樂府古今體詩一百二十二首

卷四

樂府古今體詩六十首

卷五

樂府古今體詩七十四首

卷六

樂府古今體詩六十二首

卷七

樂府古今體詩五十六首

卷八

樂府古今體詩六十首

卷九

樂府古今體詩七十九首

卷十

樂府古今體詩四十六首

卷十一

樂府古今體詩七十五首

卷十二

樂府古今體詩六十九首

總計樂府古今體詩共八百四十七首

瓦釜集卷一

平湖 高蘭曾 楚薌

重光協洽

擬庾開府詠畫屏風二十四首

摩詰詩中景。桃源路上村。陽臺張緒柳。金谷石崇園。燕睇如相識。花濃欲解言。定須飲一石。盡洗俗心昏。

百頃平潭淨。千山霽色開。幽人詩思在。閒客踰驢來。澗斷雲橫接。巖懸樹倒栽。林隙坐平視。雙雙鶴



舞迴

陽春好風日海寓足繁華有城皆作錦無樹不飛
花畫艇中流直朱樓夾岸斜何勞揮玉塵留醉五
侯家

白馬良家選青年意氣揚連鑣遊桂苑結騎醺蘭
房燕姬歌袖窄趙女舞衫長壺觴歡未已挾妓赴
河陽

高閣臨江迴長橋得水圓煙開紅日耀魚躍綠波
旋澗草爭春艷山花照眼然當年魏文帝曾否此

題鞭

聞說揚州路煙花廿四橋今朝來此地未覺故鄉
遙阮籍時相醉揚雄快解嘲山水有真樂何庸覓
玉簫

較武出平樂君王此打圍紫蓋迷紅雨青楊亂舞
衣騎隨李波妹輦從馮淑妃誰知一回獵化作彩
霞飛

離宮三十六珠簾十二懸卑枝低礙帽高樹早鳴
蟬綠苔緣砌媚朱華冒水鮮新來浣紗女同上采

蓮船

帝子黃金闕。仙人白玉樓。八景真靈接。千巖列翠
稠。瑤水觴周穆。天台認舊游。借問行山者。應知有
姓劉。

攜琴坐孤嶼。警鴈落高岑。花氣清迎面。溪光濕染
襟。松傾斜枕石。風入細敲金。三疊深巖下。悠然會
遠心。

梁王好宮室。花木一園新。官柳初舒眼。孫松未有
鱗。鳥喧空谷暖。風細小山春。枚臯年最少。作賦自

驚人

天秋日易晚。竟夕搗衣聲。可憐漢家女。無限玉關
情。寒雲動粧閣。涼月下邊城。惆悵遼陽戍。不知路
幾程。

絕頂築茅屋。懸崖結構牢。登高一以眺。百里正蕭
騷。極浦舟如葉。平原樹若蒿。閒燒藥丸轉。無事夢
三刀。

星散小村落。輕煙一碧遮。板橋流水活。竹閣夕陽
斜。黃葉兩三樹。疏籬八九家。子雲居寂寞。何處問

侯芭

柏殿含香細蕉牕向水開閒尋芸閣友傾蓋洛陽
才高情傾許史崇論屈鄒枚不尙多顏色爭歌赤
燕來

驅車上鳳翼策馬走羊腸巖虛雲氣聚潭淨日光
涼獨立孤峰頂高吟百仞岡俯窺煙起處江城路
莽蒼

石磴千蟠上籃輿九折行松橋飛澗壑岡梧半死
生雲蒸薰鶴醉泉湧激雷鳴山鳥驚人起羣飛不
識名

校獵南山下觀兵出上蘭龍媒驚赤電虎將簇金
鞍風高鳴鏑勁霜重鼓聲寒錦衣旋戚里昨夜獲
呼韓

皓魄燄銀漢蟾光寒斗牛影燭關山迴輝飛竹木
幽葵肥萼菜熟菊綻故園秋不醉習池酒那堪兩
地愁

殘雪風池積寒梅庾嶺開疏枝橫夜月素影耀江
隈高士閉門臥山僧抱琴來會尋子猷輩挾伴上

春臺

東閭新開第。南陽舊著名。龐公谷口隱。諸葛隴頭耕。芝草鸞書字。松亭鶴和鳴。穎脫風塵表。長吟不世情。

古木千尋直。羣峰一倍尖。山香新麝過。衣潤宿雲黏。林花嬌濯錦。瀑布密垂簾。卽此真仙界。何須跨玉蟾。

鬱鬱凌雲館。峩峩銅雀臺。雅集西園彥。欣開北海杯。宓妃捧硯侍。神女拂箋來。管絃催鳳舞。冠蓋逐鸞回。抗懷河朔飲。空自擁多才。

山行昔已屢。臥游景不窮。春水桃花色。秋風薜荔紅。曲澗流全住。層巒路自通。風迴雲倒縮。天朗鶴盤空。關荆應未遠。妙手奪天工。

題宋江貫道夏山欲雨圖

羣山作雲山有無。黑雲漫山林模糊。披圖恍惚晝昏黑。虛堂瑟瑟風號呼。乃知真氣蟠胸中。匠心獨出天無功。平生畏熱如畏虎。赤日射地紅鑪烘。對茲陡覺醒心骨。淋漓元氣超化工。

爲張三明經

儀盛

題長亭送別圖

四圍山色望峇峩北雁西風一徑遙極目長隄人
不見半林斜日馬蕭蕭

題楊忠愍公詩集後

一代楊忠愍忠誠貫九蒼上書匡帝績授隙證天
潢未展平生志空留姓氏香千秋詩卷在典策共
輝煌

魏塘訪丁大茂才

彬不值

元龍湖海士尋訪過溪橋境與心俱寂人隨雲共
遙叩門驚犬吠窺戶落花飄閒往不知處松篁一
徑寥

宗祠十咏

我族宗祠在姚江之匡堰其祠旁舊有隙
地并屋數間爲祭畢醮游之處其一曰信
天巢是先世宋徵士菊澗先生之遺額而
因以名之其一曰深柳讀書堂則吾祖贈
少宗伯宜武先大夫藏書之所而取以顏
之者也有軒焉庭前舊有梓樹雙枝一幹

卷一
六
枯而復榮遂以連梓名之其他若槐蔭迎
暉留霞諸處則各以其地之相宜者名焉
夏五月從祖菊蔭先生倡爲十咏郵寄索
詩族人咸和焉謹賦五絕十章

信天巢

築室志前麻信天恒自悅
條然塵網中百世仰高節

深柳讀書堂

繞屋柳依依吾祖此勤讀
欲去久低徊尙想便便

腹

連梓軒

鬱鬱東軒梓雙枝一幹生
春風紅雨落先文恪公有別業

日北墅內有紅雨山房植梓樹千餘株空復故園情

槐蔭齋

聞道此花黃江南舉子忙
雲牕遺蔭遠先文恪公予告南

歸陸辭日蒙恩賜雲牕二字旌行莫負影蒼蒼

迎暉塢

遙山涼月沈遠寺疏鐘響
披衣啟荆扉白日幽蘭

上

留霞榭

雨霽餘陽夕。霞流半天赤。相望與增豪。長歌懷李

白

帶星巖

天高白露秋。木落寒巖瘦。幽居人不知。幾點疏星

逗

竚月廊

清夜橫鳴琴。停杯秋色杳。時見一鴉飛。朦朧煙樹

杪

桐陰山房

龍門百尺桐。檻外迎風立。鸞雀且高翔。佇看鸞凰

集

匡山書屋

別館對山巖。詠罷凝寒綠。清絕不逢人。風篁自相

續

狂歌行贈丁大茂才

彬

丈夫生不能博取人間卿。相尊便當投筆從虎臣。

不然亦宜高臥空山春。安能齷齪隨俗賣綠千侯門之子少負不羈才。日無流輩空其儕。功名蹭蹬竟何有。年近強仕埋荒萊。好學不減燃松歡。賦詩不遇高軒韓。懷才莫展日窘迫。茫茫四顧天地窄。剩有元龍氣未除。對酒高歌忘困厄。文成破體追歐蘇。興酣落筆輕元白。平生慷慨弟灌夫。噤嚙坐叱程不識。年來壯志日蕭索。途窮屢被青蠅惡。屈平善賦沈汨羅。揚雄識字投高閣。伊余孤介私自憐。感君識我新詩篇。每逢佳句輒共賞。吟哦不厭

情纏綿。嗟君夙擅文章名。大言不顧俗眼盲。男兒富貴自天定。人生難得肝膽傾。君不見蒙莊寓言逍遙游。栗里委心隨去留。古今萬事駒過隙。讀書學劍空牢愁。會須遠引蓬萊仙。飛身直上兜率天。臨風下視人間世。相與一笑三千年。

元默涪灘

清明後三日謁先文恪公墓歸泛游東湖

舟次得句卽次李謫仙游洞庭五首韻

海上潮來九派分。遙如世澤及仍雲。臨流余亦能

高詠擁楫空懷覆鄂君

澄波千頃淡含煙。翠色盈眸浪接天。兩岸小桃紅
不住。玉樓人影落花邊。

李郭同舟共濟川。當時豔說是神仙。不知萬物身
皆備。原係人人具一天。

風柳絲絲漾夕暉。鶯歌燕舞止還飛。十年樹木猶
如此。彈指何人汁染衣。

年年此地逐人還。媿我閒吟十畝間。縱有臨淵無
盡意。負疴幸不負湖山。

古鏡

閱盡人間世。傳來物已秦。何嘗疲屢照。自不點微
塵。明鑒千秋業。光含太古淳。美人渺天末。顧影媿
閒身。

古劍

舉世誰雷煥。何人辨莫耶。年深光眩斗。舞久雪飛
花。寶氣宿騰虎。炎精曾斬蛇。風塵雖濩落。留待識
張華。

古錦

百世光芒在迴文尺幅吟雲霞終古煥風雪歷時

深巧奪天孫織妙舒蘇蕙心綵衣綿祖澤先文恪公蒙

恩賜萊衣畫錦匾額樂此勝籛金

古玉

懷璧匹夫罪卞和空涕洟琢磨原在我用舍且隨時抱璞誰能識完秦卽共推休嫌雙別足真賞百年期

古錢

阿堵物何有珍藏此獨全秦劉久消歇昭代永流傳篆隱迷難認苔封色自鮮灌夫輕罵座壽世讓茲錢

古硯

劃破洪濛界媧皇補漏遺賜來青玉案余家

恩賜綠石硯三其一現分授余處洗向白雲池色潤稜模甚凹微

墨聚之媿子弗克荷孤負聖恩施

古琴

識曲白來少伯牙空復情奇材不世出妙手間時生碌碌多延輩紛紛悅鄭聲疇憐遺爨下論價庫

財爭

古鼎

百劫昆明火。堅剛總莫然。記年商甲子。閱世漢山川。繡蝕銘多滅。塵埋足不全。揮毫慙逸少。借爾刻殘篇。

舞蛟石歌

霹靂一聲白日黑。神龍怒鞭石。僵蹶紫光掣地作。青蛟天矯盤空舞。恍惚宮詹妖夢夜。化人將軍斫。劒駭流血。僉曰是李唐所遺。范氏舊物。高三十丈。廣六尺。深爪怒目。氣雄桀。爲之歌者。岳和聲。籀而字者。趙松雪。迄今歷劫埋塵埃。雨淋日炙兀不屈。吾生好奇兼好石。疏懷頗有元章癖。豈意天工亦好奇。蛟成叱石全身活。鱗鋒骨格爭開張。噴雲搏霧千人闔。乃知前夜風雨并。雷公砰訇震天鳴。佇看跋浪叩闔闔。破壁飛昇霄漢行。

煙雨樓晚眺

靄靄波心煙。濛濛湖上雨。輕風吹有無。蓊然濕平楚。瀾漫蕩雲天。晴空渺洲渚。煙光淡不收。雨意自

終古憑眺偶一來飄乎欲化羽

借錢大太史

人杰

張三明經

儀盛

游天平山

飲白雲泉晚飯僧房遂謁范文正公墓同

二子作

萬笏聳崔巍層巒一綫開泉流青澗住袖繞白雲
回果腹飯香積教詩懷相才前賢留勝迹我輩媿
空來

借錢大太史張三明經由胥口曉渡太湖至

包山晚泊

一水澹空碧風帆破浪平斷崖雲樹擁孤嶼荻花
明雁影隨山沒波聲盡日鳴初陽浮遠近七十二
峯橫

登莫釐峯作

孤峯突起旁無邊藤梯棘刺鉤相連蟠空壁立百
千尺心搖目奪愁攀緣蛇行猿度始造巔豁然曠
朗非人間爾時恍惚同飛仙脫遺身世游鈞天俯
視茫茫界大千水天一碧波淪漣風帆三四時回
旋模糊雁影紛翩翩穹隆鄧尉慚比肩晴翠遠接

空芊綿。欹岸側。島遞隱見。林花雜樹爭清妍。吾聞具區之峰七十二。峰峰奇勝殆難記。其中九勝推二峰。西則縹緲。此其次。登臨到此。雙眸開。憑虛一覽。渺八垓。恨無謝朓。驚人。才臨風慷慨。歌莫哀。龍威丈人安在哉。魚腸烏喙俱蒿萊。霸圖千載久消歇。功名事業隨塵埃。人生倏忽風捲煙。青山如故兀不遷。蒙莊逍遙何足賢。盧敖汗漫無挂牽。會心欲辨忘言詮。白雲冉冉生胸前。

自包山下復放舟太湖游虎山諸勝是夕錢

張二子乘興夜游余以微雨獨飲蓬牕成

七古一首

鎮日尋山興未足。入山重復下山麓。扁舟一葉芰荷間。水禽兩兩時相逐。經霜蓮葉猶扶疏。雲天蕩漾皆成綠。行行忽到水窮處。崇岡瞥眼攢雲樹。古寺參差松竹林。尼僧三四東西住。鷺聞遠客爭來前。殷勤指點名山泉。匆忙作別更前進。穿林涉澗尋洞天。峰回路轉恍開朗。爽然心目空塵緣。乃知靈境非遠求。到此真可消煩憂。丹崖疊嶂煥金碧。

夕陽黃橘林壑幽。煙雲出沒變昏暮。四時佳勝無時休。或言吳王縱禽獸。君臣恣意爭漫游。相傳茲地曾養虎。錦帆十丈恒逗遛。顧予平生嗜山水。豈期絕景逢荒陬。近入芳林散幽馥。禽聲下上如相酬。遙看萬頃渺無際。波濤震宕乾坤浮。此游此樂足千古。幾回欲去還淹留。

平望驛夜歸

疏雨滴篷背。推牕月滿河。亂流趨曲港。一棹破澄波。犬吠識村近。愁思入夜多。壯懷殊抑鬱。善病竟如何。

柔兆困敦

結交行

古人結交惟結心。過則相規善則箴。今人結交惟黃金。黃金不多交不深。吾聞翟公署門里。今之交態何乃似。

理安寺

一徑迷煙樹。空山古寺深。巖開眞畫景。泉激淨禪心。鳥語短長嶺。人行高下林。蔚然蒼翠裏。應接比

山陰

自葛仙嶺下行迤邐尋湖山諸勝至放鶴亭

小憩口占錄示同游諸子

山水湛虛明。尋幽興不已。初日淡孤峰。和風散芳
芷。我行既忘疲。信步山之趾。深谷隱人家。迢遞叢
篁裏。泉水瀉潺湲。泠泠聲盈耳。欣然一以眺。應接
窮千里。空翠濕林巒。寒碧凝遠邇。明湖澄鏡平。疊
嶂斂煙紫。暫來放鶴亭。尙想林高士。慨焉慕古初。
素懷竟何似。

行天竺山中

策馬向山行。石磴繚而曲。羣峰互縈迴。迢遞積寒
綠。一水瀉前磯。時聞聲斷續。不見寒泉源。松根屢
隱伏。好風竦然來。林壑清以肅。古寺望崔巍。掩映
蔽脩竹。深林鳥雀喧。餘音繞空谷。我行尙高巖。我
僕已平麓。相顧澹忘歸。殘陽下喬木。

八月十七夜放舟西湖

乘月扣舷行。清光競圓美。輕風漾中流。欣然隨所
止。四顧悄無聲。宿鳥驚人起。皓彩斂星芒。澄輝耀

卷一
煙紫浮波作雪寒。一碧迷涯浹。蒹葭莽蒼蒼。伊人
何處是。

錢唐江觀潮

吾聞廣陵之潮天下稱第一。噓吸元氣難縷述。初
一線兮遙飛。忽百丈兮衝突。束龍楮而奮揚。恍雷
崩而電掣。砰訇聲震蛟龍驚。洶涌勢若天根傾。波
臣水伯逞雄武。千軍萬馬齊奔騰。連營鼓噪迫險
隘。鷗夷沈冤怒未平。大夫文種爭效靈。死生讐敵
神橫行。舟人乘湖色沮喪。兩儀慘淡迷光明。古云
羅刹信不誣。濤聲晨夕無暫停。安得錢王三千弩
更番迭射。昭創懲。直使狂瀾不敢逞。海鱗退舍常
潛形。

登北高峰最高頂作歌

造絕頂兮登孤峰。心曠朗兮景無窮。目極千里兮
下臨不測。混一氣兮雲濛濛。坐盤石兮嘯傲暢。四
望兮明通。渺長江之如綫兮。迎白日兮接飛鴻。俯
羣山而如垤兮。奏鈞天兮鳴長松。劇徜徉于物外
兮。收萬象于環中。嗟恩濁于人世兮。羗羽化而游

太空陋莊生之齊物兮宛列子兮御風擬招洪厓
與浮邱兮乘青鸞而駕赤龍訪丹鼎于葛翁兮或
前緣其再逢又安忍塵俗之擾擾兮任播弄于天
公

西湖懷古四首

岳鄂王

宋家失策是和戎直搗黃龍事竟空志士忘身原

不惜王嘗有文官不愛錢武臣權臣在內孰爲功

王與韓蘄王世忠併力逼兀朮兀朮議棄中原會
書生諫曰未有權臣在內而大將能立功于外者

兀朮乃止而中原遂不可復九原骨冷悲三字五國城寒痛兩

宮歎復有才誠不忝千秋遺恨泣孤忠

林處士

逋翁高致渺雲煙生死超然北宋前未免有情梅

綽約似曾相識鶴踟躕孤蹤獨擅湖山美遺橐猶

啗封禪篇先生有茂陵他日求遺橐
猶喜曾無封禪書之句天意始終全

素履一身詩酒自年年

蘇小小

芳容一去杳無蹤絕代消魂不再逢彈指繁華成

蝶夢十年才望悔情鍾。淒涼舊院空秋草。冷落殘碑泣夜蛩。極目西泠橋下路。半堤流水自淙淙。

于忠肅公

少保曾經國步難。九原血碧寸心丹。功成郭相罪忠武。計協節甥跡比干。片語君臣垂奠定。一身社稷係危安。于今白骨埋荒草。峻節高風總不刊。

瓦缶集卷二

平湖 高蘭曾 楚薊

強圉赤奮若

述父德詩三首

事莫大事親守莫大守身失身能事親君子所未聞吾父少孤立秉性溫且淳十四失王父伶仃備苦辛北堂日衰老孝養益殷勤寢膳必數視非徒循晨昏四時逢祭祀誠敬潔雞豚居家尚儉約周旋甘傾困

先君子昔日嘗托人輸糧其人知先君子不校竟不輸納會當道知先君子長

者廉得其人收諸囹圄將嚴治之先君子曰彼雖負我亦我不知人也不可以我故而罪之因再輸納卒出一心淡無慾先君子易簣時自作挽聯云其人一心無慾所以大哭而來雨

字不貪何妨先君子性謙退平居含笑而去未嘗有疾言遠色閒

居參釋典旁及古仙真先君子好觀內鄰曲偶來

往相見如大賓下逮臧獲輩未嘗加疾言雍雍家

庭內藹藹春風温擬之昔賢中奚啻萬石君

同懷寡兄弟羣從同堂居至性感荆樹怡怡卒如

初卜式讓田宅辭多敦友子先君子以堂伯叔昆

已取其四而以季人衆願四六析產有姊早失耦矢志守門閭手足本

一體日用輒與俱遺孤未成立艱難共憂虞授室

又生子姊弟心愉愉三姑母少寡先君子迎回與

艱難先君子親教之讀書并送習業焉逮雨同居處時兩表兄俱幼家計鹿車

表兄成立受室而後三姑母始旋歸各爨也表兄成立受室而後三姑母始旋歸各爨也

共偕隱謹始垂良圖何曾整冠帶鴻案著楷模先

子與吾母燕居君閨門肅禮教稱道徧賢愚有子弗

未嘗苟言笑未嘗苟言笑克荷空負千金軀

早歲愛閒適坦坦幽人履琴樽恒自娛書畫心獨

喜先君子善鼓琴又性愛書畫時復臨仿以自娛樂兼善飲酒每漏三下輒盡十數觥而温克之

容自若倏然塵埃中知足復知止富貴等浮雲矢口

絕臧否平生寡交游耿介竹中士久要敬不忘一
諾終莫徙謹慎諸葛公沈冥東岡子跬步無或失
尺寸從旁擬輿到成詩文達意不求美先君子詩
文皆不假
思索信手書棲遲泉石間優游衡門裏永懷生我
之自然工穩恩高厚何可比揮涕述梗概庶幾得其似

雨霽晚眺

空翠濕荆扉蒼然起寒色歸人南渡頭荷笠松間
息

病起偶述呈大兄蓉曾蓮坡先生

少不如人壯可知一身多病復何之旁參釋典慚

精進問究羲爻苦構思庭有雜花堪肆意家承賜

字偶臨池

少宗伯文恪公蒙
仁皇帝

聖祖

菲才敢薄

雙眉畫自問枯寒不入時

予是時年方及壯
遂絕意舉制業

哭輓封翁六舅氏

爲

薈巖先生集選句二

十韻

茫茫宇宙何生不茂慨我懷慕胡宜自舍痛心在
目愴矣其悲茲焉永歎涕淚漣洏伊余小子恩深
涓陽存亡永訣誰謂不傷爰想遐蹤茂德繼期宅

心道秘不遷于時居備勤儉弱冠流芳勞謙靡已
溫敏肅良行不修飾禮不愆器游藝殫數罔不畢
肆靈鑒洞照心算無垠汪汪軌度養素全真永瞻
先覺亦兆後昆儀刑在昔家崇儒門如何淹忽容
體長歸感今惟昔迸涕交揮黐黐重雲逝矣安及
悠悠我思勁風淒急

田居雜興

我本田野人但知田野趣泥塗非養高躬耕協情
素旣耕且還讀聊以淡吾慮好風自南來生意滿
林樹放懷混范中歡焉得所處

晨興獨荷鋤開荒理南陌輕煙散和風迢遞明沙
磧殘月落前溪朝曦上籬隙好鳥弄新音飛鳴繞
吾宅俯仰天地間行止自閒適

邈近豪華子舉止習容儀意氣何揚揚咄我村野
姿茗花附松柏所遇隨轉移土固各有志愚魯誠
足嗤麋鹿安山澤循分慎守雌

行行各分道順時急耕種隴頭值隣叟童冠二三
共相見無虛文語言互珍重感茲念城市裘馬盛

賓從里巷日游戲人人多沈宋聖賢千萬言棄置
勿復用

日夕息羣動月華臨庭除鳴蟬在高柳枯槁聲紆
徐言念素心人同里咫尺居抗心希稷契雅懷變
里間鳳凰翔千仞德輝垂史書于時固未遇他日
定何如

晚飯月中歸燈火出林杪風竹影交加約略舒文
藻前村流水聲油油禾黍好暫辭耕作勞清夜共
醉飽老幼語依依嬌兒膝前繞富貴不可期百年
何人保無咎亦無譽稼穡乃眞寶

五銖錢歌

長夏無事偶理舊篋得五銖錢數枚古繡
可愛爲賦長歌以誌之

炎炎夏日長如年閉門高臥心獨閒平生鄙薄阿
堵物傾囊卻見五銖錢古篆模糊滿蒼翠爛然秀
色疑青煙吾聞漢家開基隆準公制作半由叔孫
通文景父子竝節儉索朽莫貫府庫充煙雲瞬息
十七代彝器淪沒隨飛蓬區區數錢復何有茂陵

甲帳空秋風誰知斯錢竟無恙歷劫不滅傳難窮
輪廓完好繡且潤摩挲隱約苔痕封時俗競誇金
錯刀友朋投贈如瓊瑤新莽之物何足算令我見
此增牢騷

桃核船歌

余家舊藏桃核船一件雕刻精美人物生
動船頭坐童子二頭棚半窗三其一卸去
中窗洞開兩旁長窗各二內立二人各倚
欄遙望船尾舟子二一起一坐篷背眠小

犬一及一切帆檣櫓索遮浴欄杆莫不畢
具可謂人巧極而天工錯矣因作歌以記
之

芝亭先生真癡漢家無擔石好古玩竹頭木屑兼
收羅贗鼎紛紛畱滿案最憐桃核成扁舟約略東
坡赤壁游雙雙奴子船頭坐依稀假寐偷暫休艙
中椅桌細毫髮歡然賓主心悠悠東望武昌西夏
口倚窗遙指林塘幽舟子清閒各無事或立或坐
互相酬帆檣櫓索靡不具篷窗四面窮雕搜恢恢

游刃賈餘勇酣眠小犬如蠅頭或云是物來海外
製由鬼工非易求巧者作此成經年鏤刻完好始
易錢拙者得之玩晨夕摩挲拂拭增鮮妍我聞此
言三歎息人生萬事均由天乃知巧者拙之僕區
區桃船其小焉

嬰山歌錄呈張四廣文

湘任

熙河先生天仙流曾中邱壑超輩儔負才不遇老
泉石天下九州游八州西登峩眉東泰岱洞天福
地窮旁搜歸來高臥梅花樓滿懷鬱勃無人酬層

巒疊嶂撐腸角森然欲吐不可留天開異想闢異
景平地倏忽成山邱野馬門渺滄湫嶺上白雲何
悠悠草堂宏做樂賓主長松掩映書窗幽孤峰突
起聳千尺掘衣直上開雙眸隣樹參差半環立遠
山幾點如煙浮乃知先生妙莫測造化在心天無
謀君不見蘇家假山證人瑞老泉作記名千秋斯
山之作創未有自非無見別有由世人不識妄推
測隨聲附和逍遙游

余閒居善病秋來栽菊數十種花時爛漫可

觀因奉老母率兒女輩咸相賞覽偶有所
會率詠數韻自娛茲刪存數首聊書此以
志一時興致亦殊不俗云

白玉盤

白玉玲瓏映碧苔瓊姿自不受塵埃試看浥雨如
珠走何異當年承露來

水晶毬

彈丸脫手化冰輪徹底晶瑩妙絕塵從此莫嫌秋
黯淡空明色相自無倫

黃金傘

瞥眼黃金色淺深高張籬落淡遮陰劇憐繪出團
纒影恰稱幽人冒雨尋

玉葵龍

凌雲搏霧傲秋風玉質葵形妙化工會見一鐙風
雨夕還當破壁躍長空

黃都勝

過眼姚黃事事虛六朝金粉半荒墟漫將佳色深
宮擬嬌額塗來總不如

大紅袍

栗里曾經解組回，赭袍何事到荒萊。
清霜不識先生意，偏染猩紅次第開。

賽芙蓉

江上芙蓉晚更芳，含葩吐艷飽經霜。
那知老圃秋容淡，忽效盈盈靚女粧。

紫萬卷

漫矜魏紫擅春時，萬卷于今別有姿。
一自吟成陶處士，會心籬角有餘師。

勝荷花

風風雨雨芰荷摧，不信重陽又見開。
天意也知嫌冷落，故教紅艷傲霜來。

○余作詠菊詩錄呈大兄，大兄以為可存，然信手直書，未免刻劃，且近纖巧，因復作七律八首，就正并示同硯兄弟。

種菊

一犁新雨荷蓑來，為愛孤芳著意培。
竊效謝梅鋤月種，仄須陶徑繞松栽。
牆陰闢地添幽興，竹下分

苗護碧苔聞道聖門曾學圃前賢如此我何猜

灌菊

非甘自棄作花奴。搯搯泥塗藉守愚。不學漢陰空
努力。卻憐籬畔好潛軀。挈瓶豈冀爲霖用。惜艷何
妨抱甕趨。幸謝同人休訕笑。病夫只合伍園夫。

伴菊

西風簾捲一庭秋。快得霜枝作伴游。三徑影迷人
共瘦。半籬香逗月同幽。清標自合蓬門侶。俗學終
慙好句酬。落落塵寰原寡耦。正堪物外結巢由。

供菊

空齋客去夕陽流。閒折花枝插案頭。矮榻淡橫疏
影淨。明窗冷浸一瓶幽。會無言處香盈座。味到忘
餘色自秋。安得共邀嵇阮輩。銜觴痛飲細勾留。

寄菊

一枝斜折憶相知。忽又龍山落帽時。太息離情同
瘦骨。誰將芳信報秋思。幽懷冷淡經年別。佳色芬
菲幾度期。新得黃華傳驛騎。憑君無恙問東籬。

嘲菊

寄人籬下最堪嗔。高隱如何亦爾為。畢竟孤芳難
 獨立。可憐傲骨仗旁持。假名菑菑爭舒艷。竊貌芙
 蓉競弄姿。菊有勝荷花賽芙蓉種種名色豈係田園歸去後。先生
 老矣暫趨時。

臥菊

叢菊爭開九月天。愛花時復臥花前。酒闌一枕神
 彌暢。夢入三秋地自偏。瘦影亂搖侵病骨。幽枝斜
 拂壓吟肩。酣然忽到南村境。挹露餐英好共眠。

夢菊

一枕悠然掩竹扉。柴桑風景未全非。半牀月落吟
 魂冷。五夜霜寒燭影微。板屋爐煙疑隱約。紙窗雲
 樹認依稀。秋來清興真無已。渾欲莊生化蝶飛。

題宋徽宗蒼鷹獨立圖

徽廟昔年工翰墨。羽毛鱗介隨驅策。閒情偶寫涼
 秋鷹。猛氣凌空勢尤劇。子然獨立神軒昂。凝眸握
 爪思遙擊。百鳥驚飛莫敢翔。深山林木潛逃匿。從
 知鷲鳥棲一枝。鵙鷓鴣皆斂翼。此畫應傳五國
 城。懊悔當年輕避敵。禍由和議成倉忙。萬里龍沙

遠行役幽愁久處困雄飛特借秋禽舒憤激

題強國忠投贈先文恪公墨竹冊

古今畫竹誰第一東坡與可俱超忽東坡畫竹以天不以人枯腸得酒勢莫遏與可畫竹工意不工形成竹在胸隨手抹後來繼起推阿瑛思翁所南亦秀發國朝挺興盛文物名公哲匠應時出強君自是坡翁流潑墨一瀉氣蓬勃疏枝落落搖清風滿紙煙雲寓高節自言城市罕洪園晴窗寫此寄幽逸中虛外直如故人投贈同心共怡悅至今流傳百餘年披圖想見如椽筆世無巨眼精品評流俗昏昏誰賞拔

病起值大雪讀東坡先生集愛其雪後題北

臺詩用韻險而工穩率次其韻追和四首

不辨平疇錯犬牙紛紛積素滿雲車東風一夜吹銀海曉月千林墮玉花閉戶何人酣晝寢尋梅有客到貧家嗟余早嬰君苗硯欲和清詩手屢叉昨晚空濛雨尚纖夜來特地朔風嚴多情學士閒烹茗幾處嬌兒擬撒鹽野老支離眠短艇窮鳥飢

卷二
十三
餓掠層檐寒窗琢句頻呵凍點點飛來擾筆尖
嵯峨冰柱勢張牙到處銀山失錦車影落寒塘翻
縞帶風搖別院散瓊花詩懷峭潔尋驢背鶴氅道
遙遡謝家自問疏狂隨遇適行歌不泣路三义
矮屋淒其宿火纖殘尊傾盡冷猶嚴奚奴妙手翻
獅樣季女靈心聚虎鹽疏竹堆高時拂地寒梅壓
重欲侵檐強扶衰病閒隨戲爭奈風頭削面尖

闕逢涪灘

先文恪公遺子石硯歌敬步

先君子原韻

端州子石潛深溪蛟螭出沒波紛披山川靈秀發
殊質東坑西坑爭獻奇縉幽鑿險僅乃得撫此至
寶誰不怡況復先人昔所遺墨花掩映煙雲飛滑
如凝脂潤如玉錫以嘉名申以辭謹按硯背先
文恪公有銘曰
玉耶石耶溫潤而
栗惟君子之二傳之子孫俾世守重之何啻商
周彝吾聞此石天地秘洞壑深藏人不知勇夫匍
匐篝鐙入蛇行口噤交扶持一拳幸獲判生死雷
霆倏忽風雨悲名工采琢始成硯騷人學士日追
隨是時 聖賢適際遇此硯正與吾祖期燕許

大筆世爭羨效顰碌碌終遭嗤羲之蘭亭得再見
石渠天祿頻提攜于今此硯宛如昨手澤依然人
已非欒卻胥原降皂隸襄陽硯石空留貽撫時感
事百憂集何人繼起書淋漓百年瞬息渺河漢傷
心王粲徒涕泗

書寒山子詩集後

忘世寒山子逃禪山谷間襟懷秋水淨詩意白雲
閒象教久淪沒斯人不可攀憫時情未滅韻語覺
癡頑

書陶靖節先生詩集後

先生隱柴桑本是功名士軒冕豈不榮祿仕重違
已時事既已非決策歸田里遺詩百餘篇字字化
秋水如聆太廟琴希聲自悅耳如吐空山雲不見
纖塵起興至適然成興盡悠然止皓月印澄川何
處尋蹤指

夏日閒居

性拙罕人事閒居過客稀迎涼坐盤石看竹到前
扉目以行雲遠心由倦鳥歸鄰翁偶相值清話自

依依

輓張七志士 俞隣

天道壽平格經訓詎云誤嗟我同袍友何爲獨錯
迂學飽未逢時懷才竟莫遇文章齊陸厥風采漢
徐孺超然流俗中立品不依附媿余寒薄人蒙君
深眷注相契二十年有懷各傾吐兀兀塵埃間彼
此無抵牾勝事輒相聞疑義共開悟久要敬不衰
歡焉若平素如何一朝別去去各分路聲氣邈難
求門庭猶如故虛座集伊威空堂凝白露揮涕讀
殘編依稀如把晤遺孤纔數齡聞已習章句會當
繼書香不久青雲步所嗟知音希耿介罕我顧同
心而殊途悵然獨愁苦

五言愁霖歎
黑雲慘淡風號呼連旬霪雨翻江湖上田秧麥半
沈沒下田泛濫生菰蒲老農相對坐愁絕牀頭屋
漏衣露濡吾民比歲罹荒歉可憐粒米如珍珠
搔首問天天不言波聲汨汨流郊原陸行到處可
乘艇尺五鯉魚游華門夜深風雨一家哭聞說前

村水沒屋補天無術涕滂沱嗚呼天意其奈何
嗟余病軀空愁腸心欲奮飛臥在房昨見太陽光
隱現輒聞檐溜鳴虛廊蕭條村落炊煙絕寂寞荒
林飛鳥滅胥吏東西日叫囂窮民困苦向誰說

秋扇偶感

玉露凋殘天地秋投閒只合匣中收敢云尙志將
終隱自問違時絕妄求已與竹奴同見棄何庸班
管漫縈愁火中寒暑還相退莫惱人情不少留

送張三別駕

儀盛

回任興化郡

屈指數歸日而今君又行相逢方兩月相送復長
征別意猶如昨離懷敘未明何時重把晤尊酒話
平生

閒居雜興八首

近家南郭裏城市亦悠哉豈必慕高蹈其如無達
才心安隨遇適地僻罕人來一瓊松醪飲題詩坐
緣苔

宅與梵宮近頻聞鐘磬音煙炊淡朝日花落下鳴
禽古帖憐新獲晴窗偶一臨惠然來好友把臂快

談心

養拙謝人事清幽不記年潭空如拂鏡林靜自無

煙翦韭憐春早烹茶愛雨前信天承祖訓

先世菊澗徵士

名其居曰信天巢
先文恪公有記用舍且從權

壯歲無長策常懷邱壑情雲舒心共遠荷淨意俱
清慾寡花爲侶書癡筆代耕妻孥幸同志自顧媿
樊英

平生倦交接鎮日閉柴關贏得終年靜居然十畝
閒焚香非佞佛讀書當游山剩有琴張趣狂奴態

未刪

日夕歛微雨白雲樓外明餘陽耀林木空翠濕簷
楹衆鳥適飛止勝身忘辱榮底須尋子晉樂此近
長生

隣木蒼然秀蒼蒼接敝廬自知蒲柳質非做竹林
居薄醉宜清夜忘情協太初一編淡相對寂寞注

蟲書

憚犧雞斷尾有齒象焚身閔貢遂投劾揚雄空美
新灌園齊仲子多病孟山人習慣成疏懶衡茅得

性真

桃源圖歌

五柳先生避世士，寓言偶寄神仙區。與之所至隨
 手記，後人競寫桃源圖。清溪一帶水深淺，兩岸桃
 花枝扶疏。行行漸遠日忘暮，桑麻雞犬成村墟。人
 物欣欣各自得，風景彷彿游蓬壺。豈知先生具深
 意，中懷抑鬱無時舒。含情莫吐託毫素，特借神仙
 寓子虛。不知秦漢況魏晉，此意明言劉寄奴。可憐
 流俗共傳寫，未識桃源事。有無室廬井邑細點綴，

縱得形似空臨摹

東湖竹枝詞九首

昔唐劉禹錫述巴土風俗作竹枝詞九章
 其數蓋仿九歌遺詠後人愈詠愈多率以
 朱竹垞先生鴛湖棹歌百首為例自是才
 士多文然古人遺制浸以消亡茲余所詠
 亦斷以九首明知醜女效顰見者卻走然
 可見古人雖一題一詠必有所本余故不
 敢輕率增減云

北原牧唱競分秧西浦魚罾曬綠陽忽見陌頭諸
女伴春風忙煞看花郎

陳家杭稻郁家鹽幾處茶寮幾酒帘極目湖光翻
九派綠波競映柳眉纖

梵王寺宇影重重春日春游興轉濃報本寺前初
識面化成庵裏又相逢

十杉亭外夕陽殘柔櫺聲聲夜未闌借語小鬟休
賣眼有人間倚赤欄干

龍王堂北浪花高白沃祠前水滿篙乍浦鮮船來

一一黃魚三尺尾如刀

麪杖港狹急流清水口財神廟貌崢一種行人齊
屈膝威靈原是孔方兄

陸氏祠堂桂正開嬌娃扶醉踏蒼苔一枝笑折低
聲問爭似秋風得意來

張家書屋舊門廬張家書堆書滿車寄語兒郎須
熟讀讀書他日掛金魚

四面樓前野菜黃吾家文恪舊墳塘誰家姊妹閒
游眺偏道游蜂煞意狂

屈五茂才心亭 囑追題其子子素士錫 芸窗

風雨圖

之子幼殊俗髫齡與古親自今成往事而我劇傷
神天意摧珠玉人間失鳳麟早知年不永庭訓悔

諄諄子內兄香畦
課子甚嚴

風雨一廬寂詩書協性真披圖仍晤對遺論見精

神子素表侄著有過庭編
道善錄諸書藏于家 賈志忽焉歿懷才竟不

申可憐勤學死感我淚沾巾

哭猶子安松

人事倏忽煙雲移古人謂如白駒馳神仙不死原
妄說四五六十年非難期我家阿咸尙年少如何一
病從此辭父母不相見兄弟長相離有兒尙襁褓
未能誦書詩吾兄生性耽翰墨米鹽凌雜惟汝司
吾嫂惟其疾憂汝冀汝成立同扶持汝叔善病轉
送汝怛焉使我推心脾憶汝寢疾當垂危宛轉床
席千百思乃心門戶不忍撇執手嗚咽祈良醫豈
謂天數竟難測抑亦壽夭無可推嗟余病軀逢此
慘中夜躑躅忘所之痛汝弱齡志未展奄忽凋謝

增淒其嗚呼汝其有知與無知此別永無再見時
汝物一如昨汝身邈難追妻孥迫沈痛高堂有餘
悲門庭猶是人已非笑語未遙形已遺吁嗟乎人
生涉世憂患隨仰視蒼蒼何忍爲

○夢游黃山歌

少讀黃山誌屢擬黃山游向平之願嗟未畢縱然
有志仍稽留豈意夢寐能感通一夜飛度蓮花峯
置身忽在千巖上雲生雙足迷西東枯松怪立半
生死萬年不長蒼苔封瞬息靈氣通帝宮星旗明
滅搖長風金童玉女儼相值仙居縹緲虛無中軒
轅帝浮邱公會聞茲地留遺蹤或乘白鹿或駕青
龍往來速忽御氣凌空雲幡炫煜翠繖青葱南望
林屋西睽崆峒北瞻勾曲東顧岱宗令我到此心
無窮飄然實欲尋韓終磴道蒼茫泉屈曲崇岡隱
約煙朦朧誰知仙境久難住斗鷲山寺鳴晨鐘松
巒滅沒雙瞳白紙窗搖曳孤燈紅半林殘月映虛
幌一輪曉日懸高桐回思勝游及勝境誓將徧歷
山萬重遠尋五嶽探奇勝一雪平生磊塊胸

妻女輩初學韻語女紅餘暇輒相唱和時八

月十七夜月明如晝分賦得秋柳秋笛秋

曉秋夜諸題拈此戲示

秋柳

苦憶攀條處而今已惘然空餘一片月猶籠舊時
煙野水流黃葉江城欲暮天休嫌生意盡彈指競
春妍

秋笛

酒醒不成寢誰家玉笛清數聲殘月落一枕旅魂

驚江上幾人淚樓頭孤客情壯懷殊抑鬱閒聽感

平生

秋曉

涼月落高閣晨鐘幾處催殘星橫北斗曙色正東
來風樹一林動炊煙萬戶開聞雞空起舞多病老
塵埃

秋夜

梧月散清影良宵玉露零空庭鳴促織密竹暗流
螢銀漢坐超忽霜鐘聽宵冥一家閒晤對談鬼燭

花青

瓦釜集卷三

平湖 高蘭曾 楚薊

柔兆闔茂

威狐行

猛虎居深山百獸盡畏縮狐狸假此作威福肆行
 無忌飽麋鹿狐狸麋鹿本同族一朝仗勢食其肉
 麋鹿之種日益蹙狐狸之心日益酷麋鹿盡兮不
 復育猛虎深山空有欲猛虎去兮狐狸孤狐狸依
 舊憂枵腹獵者猝至無可逐不戮狐狸將誰戮

浪蝶行

春光明媚春花鮮春風淡蕩楊柳煙花明柳暗春
無邊嬉春浪蝶何翩翩朝游金谷畔暮戲玉樓前
沈酣眠繡草恣意逐芳鈿鎮日嬉春春正妍穿花
問柳顛欲仙那知好景不常延轉眼繁華隨變遷
桃李芬菲開復落薰風瞬息鳴秋蟬淒涼芍藥軒
寂寞芙蓉園蓮房露冷芳容老曲院霜飛粉翅殘
芳容已老無復少粉翅衰殘難再嬌嗚呼安得至
人垂棒喝當頭一擊呵狂顛

黠鼠行

夜未艾時旣昏牀頭黠鼠行漸頻乘人熟睡盜人
物聞聲驚走翻壺罇翻壺罇穿箱困擾人終夜心
生曠其欲不可足貪詐殊絕倫竭情營闇昧刻意
傷衣巾吁嗟乎黠鼠黠鼠爾縱無忌憚晝伏夜動
爾何亦畏人會當手攜萬丈繩虛空遙繫扶桑暎
精光作作遍幽隙永令鼠輩無容身

老梟行

老梟鳴人盡驚婦女聞聲共失色兒童塞耳不敢

卷三
聽老嫗囁嚅私耳語証言此鳥鬼之精鬼部鬼卒
同羣行鬼王遣使招生靈暫向人家華屋停屋下
人家罕太平老梟鳴天漸明陰風慘淡燐火青老
梟之惡無物傾東方日出梟無聲布穀催耕鳩喚
晴黑夜老梟慎莫矜

中山狼行

中山狼肝人肉橫行深山中食人如六畜獵者一
日來搜山盡殺戮可憐中山狼到此亦殼鯨仁人
幸相遇物我本同欲不忍區區心能無救顛覆那
知狼性素貪酷纔得生機卽反目飢腸輾轉口流
涎不食仁人不果腹獵者仁人過眼空狼行依舊
深山中

慈烏行

慈烏慈烏慈烏初生雛慈烏朝夕心勤劬東西南
北風雨裏倉忙覓食口卒瘡慈烏飛飛去未幾巢
中啞啞雛又呼雛烏羽毛日以長慈烏心力日以
枯心力既枯不復返雛烏欲養慈烏殂何年返哺
雛烏已孤

舟行卽目

蒼茫落日紅迢遞孤舟夕遠樹綠陰重
鐙光射林隙

風微蹴浪平港狹亂流急時見夜歸人
喚渡垂楊立

矮屋隱深竹疏籬露短垣人聲村酒店
犬吠隔林喧

明月前溪上飛鴉繞樹鳴我懷竟何似
獨夜異鄉行

庭前牡丹盛開詩以賞之

不待酬金萬庭前競吐葩自然多斌媚
相對劇繁華獨擅無雙目羣推第一花
何須遡姚魏卽此燦如霞

感懷

五月二十七日有爲而作

人壽百年希每懷百年計計久良獨嘉
何乃逞小慧愚者守區區遇事罕藏閑
虎變占大人挾勢風雲際鴻鵠困窮途
含沙肆吞噬王郎天壤中蒙莊人間世
眞妄二俱非妙應靈山偈慣執其兩端
豈

卷三
四
值重華帝遐思二人恩高厚一朝逝仰視蒼蒼天
幽遠更難契哀哉不能言同心庶攸濟達士貴變
通高步略微細懦夫竊慕義始終空勉勵

秋燕

依然下上羽差池困頓西風力不持猶記綠楊春
社日那堪黃葉夕陽時空梁細語如嗟別繡幙雙
飛未忍離咫尺玉樓人似昨白蘋紅蓼又秋期

秋蟬

抱葉高棲託藐躬長吟不絕恨無窮青霜飛處聲
頻歇黃葉飄時響未終古樹煙橫疏影瘦西風簾
捲夕陽紅捫心自許清如水底事煩君警碧空

過蜃園有懷李潛夫先生

故國滄桑後先生老一民畢身存大節四海仰完
人老樹風霜古閒庭花木新百年傳講席相傳此地昔日

先生著書處也悵望獨傷神

戲題元曹西雲雙松圖畫障

虛堂不合生長松濤聲恍惚鳴悲風得之在心應
在手借書於筆參化工一株偃蹇如虬龍青皮剝

落苔蘚封一。株突兀聳霄漢。煙雲繚繞迷晴空。吾
聞泰山喬松高千尺。杈枒直上摩蒼穹。又聞黃山
怪松更奇特。萬年不長生危峰。平生欲見不可得。
側身遙望無由逢。今茲所畫毋乃是。縱橫正側隨
心胸。見者矐目歎未有。是松是畫幾莫窮。主人無
事日晤對。宛然置身松林中。鱗鬣之而迭掩映。根
柢屈曲蟠青銅。夜深風雨吼。牕竹庭前壁上情。朦
朧。

大風行

砲車雲起風猖狂。大聲陡作蛟螭翔。赤虬怒觸土
囊裂。空中鼓蕩騰龍驤。突如漢軍逼敖倉。鐵騎疾
馳千匹強。又如光武爭昆陽。傾城瓦屋皆飛揚。滂
沱甚雨虎豹栗。犀象逃匿貌周樟。嗟余負疴心更
怯。茫茫天意誰能量。安得排空叩閭闔。聖人
御宇天呈祥。何爲此方獨風暴。飛沙走石翻豫樟。
婦豎失色神蒼黃。號呼驚走奔且僵。吾聞天心最
仁愛。豈將風伯警無良。不然但願一方安。故常熙
熙萬姓歌豐穰。縱使天乃大風雨。吾廬獨破庸何

傷

病中無事檢理舊畫得余從姑晚香閣花草

遺墨敬題二絕

花事闌珊蜂蝶慵。秋風秋雨減春容。疇知滿目韶
光媚。忽在紅閨腕底逢。

斷箋零墨惜無餘。惆悵雲煙過眼虛。借得精心留
尺幅。吉光片羽重何如。

病起扶杖偶步張子湘任適至欣然有作

一雨散微風。庭草淨以綠。清翠濕晴空。疏林如膏
沐。扶杖暫游觀。頗覺爽心目。好友惠然來。談笑西
窗燭。快論雪哀梨。清言撲塵俗。世事日紛紛。野馬
空中逐。臥疴得身閒。相對殊自足。

九秋詩

秋意

梧桐一葉落。風輕竹屋幽。居詩思清。籬菊未逢高。
土賞鱸魚。循起故園情。半簾新月涼。初逗一角殘。
霞雨乍晴。回首綠陰猶似昨。空堦蟋蟀已聲聲。

秋思

涼秋如此樹婆娑終古魂銷喚奈何曉月夢飛高
閣迴暮雲愁擁亂山多懷人塞外碁交迫吹笛樓
頭雁自過別緒無端排不去那爭題葉託微波

秋色

故園無恙夕陽斜秋色芬芳更可嘉火柿經霜紅
似染江楓著雨艷于花虛廊蝶醉戎葵影曲岸霞
蒸紫蓼芽誰謂小樓春去遠西風晚景正無涯

秋容

溪雲漠漠水漪漪減盡園亭舊日姿嶺瘦特呈眞
面目林疏如對古鬢眉霜柯搖落空千里山意微
茫又一時日暮江樓閒獨眺斷煙零雨好裁詩

秋光

娟娟銀漢濯詩魂一片清光直到門是處空明增
爽境非常皎潔滌紛煩橋橫淺水淡含碧影落澄
江晴有痕感我素懷秋共淨纖塵不著向誰論

秋氣

登山涉水總無聊觸目雲天景寂寥絕塞霜高鷹
眼疾平原風燥馬蹏驕蕭蕭落木隨江下冥冥空

林去路遙自古騷壇全一哭不徒宋玉善歌謠

秋影

閒齋小飲月黃昏。亭院無塵影滿園。簾幌虛描波
歛。艷窗紗淨映雁翩翩。丹楓拂水迷紅雨。蒼竹浮
陰澹綠罇。不獨霜花看未厭。遠隨燈火上蓬門。

秋聲

寒蟬聲歇一林幽。竟夕瀟瀟雨未休。老樹嘶風潛
入夜。虛窗折竹自鳴秋。哀鴻嘹唳幾人淚。玉笛飄
揚何處樓。枵觸廬陵曾作賦。至今秋客不勝愁。

秋夢

半天星斗落柴關。枕簟翛然萬事刪。幻境忽尋三
徑寂。無才贏得一身閒。黑甜有味襟懷曠。白眼何
知世路艱。深省不須清磬擊。浮生原自蝶飛還。

雁字

一行殘墨掛樓東。雁次居然結構工。影落旗亭疑
劃壁。蘆銜梁渚妙書空。縱橫筆陣疏林外。約略詩
情夕照中。自古文章由鳥跡。煙雲揮灑破羣蒙。

雁書

目斷江天信未通。快傳消息到飛鴻。繫來巧異紅
闈縷。寄處偏工白傅筒。萬里邊關驚夜月。三年懷
袖冷。秋風上林咫尺雲泥隔。終古魂銷羈旅衷。

感懷

男兒涉世憂慮并造化。愚人勞以形一身未識來
日事千思百慮。偏營營電光石火。竟何有顛倒夢
寐。誰人醒是知煩惱。皆天刑至人棒喝空復情我
欲排空叩閻闔。闔長空不語雲冥冥。石崇豪富潘安
美不食嗟來同一死。

張大明經

敦瞿

索題其讀梅花詩話圖小影

賦此應之

孤山處士骨已朽。梅花千載空蒼涼。梅花太史貌

獨古

明經王父孝廉熙河先生曾
有我是梅花太史公之句

一編細嚼梅花

香。廣平自是鹽梅手。鐵腸石心多參商。大才不遇
作花史。零落人間志未償。手執梅花上天去。空山

黯淡無光芒。東坡既承老泉業

明經尊甫孝廉笠
溪先生沈深詩古

文與余交最深。子素所心折者。叔黨繼起能文章。少年奪得景純

錦佳句。頻傾昌谷囊。紙窗無人風雨寂。一吟一字

爭芬芳我家梅園千百樹

先文恪公北墅內有梅園植棗千餘樹今已

廢年年花發春風場春復春兮歲轉歲花開花落

成滄桑今見君圖三太息淵源家學徵休祥遙思

吾祖世未遠文成一代蘇與張百年瞬息煙雲易

獨對梅花情慘傷

古琴孟瑛紅珊分牌鬪韻戲拈示之

一曲廣陵散空山遺素琴嵇生不可作曠代有殊

音流水自終古焦桐渺莫尋成連去滄海昏昏白

雲深

輸糧竹

我行自鄉村父老聚愁苦使問父老言云皆是糧

戶縣官嚴嚴升曉堂胥吏排衙聲氣揚草野何知

知耕鑿畏官如虎吏如狼豈意今年年歲荒傾筐

倒廩爭輸糧敖倉粟滿民坐困妻號兒號心慘傷

富民猶自可黃梁白黍盈千箱平民益無聊差役

逼迫如驅羊君不見盤中米粒粒皆由辛苦成官

吏視之泥沙輕棄捐狼籍填溝阬大府歡呼一夕

飲小民終歲勤深耕 聖恩高厚仁蒼生人天

卷三
懸絕誰上呈官尊如帝民如鬼東阡西陌空吞聲
著雍困敦

聞西師大捷罪人斯得謹賦饒歌四章

靖西氛

皇建極綏萬國仁如天威莫測越小大內外罔或不率職乃蠢茲蠢賊如鬼如蜮瞻敢逞其兇震驚我封域 帝曰嘻文不可棄武不可匿惟爾二三臣其一乃心力以張我六師以翦滅此朝食赫赫 王師不徐不急如百川之方流自所至無不克亦未建大將旗鼓乃罪人斯得旣殲厥巨魁亦越兆民允殖時惟爾西土咸休其永承 天子之德

新疆平

新疆平武功成 皇恩如雨露覆載庶氓曰予不孥戮悉赦其脅從以與之變更以奠定爾父子夫婦弟兄繼自今里閭各輸誠秋而斂春而耕婦子嘻嘻倉箱盈高山峨峨泉流清新疆平樂無極 要荒喁喁沐 聖德於萬斯年戰爭息

凱旋曲

考金鐘擊大鏞獻羣醜俘元凶

天子明堂受

朝賀羣工稽首上

帝功

帝曰俞惟

天惟

祖宗實相予厥躬亦惟爾一二股肱克

輔予不逮茲予曷敢不大啟爾封自古在昔大者
公小者侯以報爾勳庸予維前聖是式茲予又曷
敢不奉以率從予嘉乃績用錫爾彤弓秬鬯圭卣
世世子孫傳無窮

太平謳

西陲既平四海永清惟

聖人之兵卒莫敢與

爭謂予不信如彼小醜顯戮自嬰

帝乃誕敷

德大庇我蒼生

皇仁熙熙普天率土士女閒

閒載欣載舞禾黍蓬蓬川原煦煦游魚發發麋鹿

候候惟

聖人受命咸睦膺受多福自東西南

北無思不服維草野作歌用以繼鼓腹

簡張子

時游南徐主
歌風講席

悲莫悲生別良宵倍黯然美人千里隔孤月一輪
圓志合占金斷情深比石堅相思渺雲漢去雁自

翩翩

自送君行後相思總莫舒那堪經月別不見一封
書管鮑惜分手陳雷忽異居望君如望歲惆悵未
同車

病中春盡不勝悵然作詩惜之

惜春春日遠花鳥總關心嘯鳥率如昨落花飛滿
林風篁新解籜庭樹綠成陰一病經三月悵然百
感深

讀漢書雜詠十二首

漢皇開國賞從龍功狗羣邀列土封紀信滎陽曾
死節殉身報主失旌庸

禮樂何能倉猝明叔孫曲學巧逢迎留言不肯留
名氏一代真儒魯兩生

一飯千金漂母酬分明恩怨必相修滕公會救亡
身禍齒頰何無片語留

鄼侯留守未從師勞苦頻縈天子思宅美何如天
下美此謀畢竟解誰疑

散盡家財爲報讐留侯智勇世無儔韓王明係韓

枝葉何獨銅鞮不預謀

楚漢紛紛日弄兵商山高隱莫關情如何牀第閒
爭寵肯借東宮羽翼成

周勃傳聞椎少文終安劉氏建奇勳陳平冠玉誼
年少輕薄工讒也出羣

董子裒然首漢儒潛心六藝授生徒推言災異橫
遭譴偏是門牆日大愚

霍顯陰謀弒故宮九重嚴密不聞風當時夫婦生
離日忍死何難一語通

光武中興訪故人先生高致自無倫澤中垂釣尋
常事獨怪羊裘未脫身

漢室班姬曠世才人中學士女中魁緣何宛轉歌
紈扇猶有癡情未了來

漢嫁明妃殺畫工畫工無罪有奇功使非一幅春
風面誰識芳名百代中

讀三國史雜詠八首

古之士皆農出處本無二治民與治兵其術豈云
異武侯伐中原賈志竟不遂陳壽俗儒生肆口妄

卷三
輕議鷦鷯一枝棲安知鴻鵠志成敗論英雄今古
不平事

孔融魯男子豪情傾搢紳坐上客盈席高歌酒滿
尊忘身結名世屢犯丞相瞋丞相瞋且怒毋乃致
殺身身死亦恒事所媿名不存先聖有遺言殺身
乃成仁身死名不滅王喬更何論

耳餘刎頸交躡足謹操守乘時各縱橫末路輒相
負臧洪抱區區至死不忘友遺書袁本初身家復
何有慷慨千百言眞氣貫牛斗至今誦殘篇想見
交情厚

孟德生何世曰治世能臣千秋具隻眼月旦眞無
倫文若王佐才何乃依其門是豈智不足將母利
令昏功成卒憂死名身兩不存不如早安命行樂
及良辰

我思周公瑾千秋大義伸赤壁一以勝續漢賴以
存憶昔江陵下姦相肆鯨吞先主走倉猝仲謀謀
屈身是時天下勢幾難成三分天下不三分昭烈
終庶民

鬱鬱田家樹依依共一根根本日益大枝條日益
分人生兄及弟本是生雙親如何魏文帝竟無骨
月恩不知手與足安知君與臣詞華雖典則無行
亦不尊例以三尺法君親兩罪人

天澤本定位賢聖莫能易桓桓蘇文師何乃逢篡
逆嗚咽發天良豈暇計譴責遙思置對時想見髯
如戟是時忠義節洵可貫金石惜爲利祿牽去就
未決絕寥寥首陽山千古有餘烈

孔席不暇暖孟游齊與梁聖賢濟世心急急慨不
遑時事既不可確乎潛龍藏退哉管幼安海濱寄
清狂逍遙一榻上姓氏百年揚無求亦無悔涉世
壽而康脩然黃鶴舉俗士等糝糠

讀十六國春秋雜詠四十首

史氏著廢興秉筆嚴勸戒淵夢卯金刀曷以昭成
敗

世俗尙生男生女率輕賤殷家六貴人俗流又爭
羨

子孝尋常事廬墓亦經誼裂棺母復蘇庸行格天

地

毒蛇與猛獸秉性非循良景道耽高隱奚用馴其
旁

慎莫輕兒女兒女實堪師城破不忘死義俠勝要

離

自筮罹兵危明知數莫違之死卒不免奇術亦何
爲

世龍淪販夫瞻視驚當路倚嘯上東門早具非常
度

卿飽孤毒手孤厭卿老拳立談釋私憾雄心赤日
懸

誰謂讀書癡迂疏忘諱忌裝錢一夕償謬誤亦復
智

區區廣昌令甘露忽盈庭因茲悟天理消息幾曾
停

陳女窺姜宇特識牧羊兒紅閨擅眞賞隻眼媿鬢
眉

母呼麻秋來兒聲嘒遂絕秋誠殘忍人聲氣亦風

烈

遙遙高辛氏慕容謂其孫是知一隅主種類皆天

尊

一代欽偉人通經復顯位似此鸞鳳儔底事夢中

記

大雨霖不止洪水應時起命名率相符天人原孔

邇

符堅得王公竊比昭烈帝云何臨終言伐晉勿再

計

苛政猛虎狼時謠共愁苦周言虎狼仁果然人勝

虎

姊弟並專寵雙飛入紫宮失身得故國兒女不英

雄

陽平善決獄左水右馬馮天下固多枉幸生惟董

豐

東海魚化龍男女爲王公回天戮疑似何由能感

通

江東無卿比一見深傾企非關捫蝨談英氣吞多

士

子年隱終南殺身了小債身死不復生捨此孰為

大

四海習鑿齒彌天釋道安談論縱鋒起莫救生民

殘

尺幅錦迴紋奇思觸類伸可憐三代下靈光鍾婦

人

道運詆周公反覆論其詐嚴刑律親臣何不稍寬

赦

宗隱以孝聞積善宜餘慶二子罹官刑豈不日有

命

死以天官使興以張亞子始終一夢中榮華類如

是

張相公何神立廟梓潼嶺文昌係天星

按漢書天文志斗魁

戴筐六星曰文昌宮一曰上將二曰次將三日貴相四曰司命五日司祿六曰司災終古何

人省

懿矣索明守謳歌徧郡中乃知干戈際不乏漢文

翁

下官入地後殿下升天時荀卿著非相荀子有相非相篇術實多奇

奮劍爭星粲揮戈競月明興師違勝算殊足戒窮兵

軌實據西涼豔說刀生字男兒遂功勳豈在侈神異

上車戴白帽下車踞胡牀將軍不用武何讓留侯良

散錢樹私惠都街日殺人以錢易人命有家不有身

宋混竭忠貞子孫竟淪落行道爲涕洟天視何漠漠

一姬化爲虎一姬化爲蛇儒生好窮理其理果如何

王侯寧有種將相亦何常廩君本蟲類乘時雄一方

景保善占候發言雖未從田豐空見戮婁敬已同封

尹氏秉國鈞智勇欽四隣巾幗習戎事丈夫真具
臣澄也懷濟世羅什演真諦負哉二老僧依勢亦忘
勢

後大風行

平生畏風如虎狼豈意年來風屢狂飛廉狡獪日
作惡憑空怒號聲激昂洪範庶徵驗休咎曰聖時
風何失常方今聖皇履天位安瀾四海歌虞
唐長鯨老蛟俱斂息太和洋溢彌洪荒誰謂天道
信難測野人不識殊茫茫前年風暴損禾稼今年
風暴尤強梁風暴年年未肯息小民辛苦嘗糝糠
我縱有酒不下咽幾回欲飲心彷徨心彷徨停杯
觴仰首空中雲慘傷晚來依舊風頻吼把酒問天
天路長

酬張大明經敦瞿卽次其韻

別情如昨已薰風無限離懷託遠鴻古誼知余慚
范式新詩念子似王融一林落月愁空碧滿眼飛
花黯墮紅六國高張今我爾相思何日去胸中

雲龍持贈句清新如此相知是宿因離緒共尋高
樹迴雅懷獨許鄙情真雄師北上自殊眾病骨南
居空惜春屈指西風秋夜月佇看香滿桂花輪時明

經應北
闡鄉試

新年詩酒幾回來屐印依然未沒苔兩世知交司
馬氏一家父子大蘇才鶯飛上苑花如錦草擁閒
庭綠似裁迴憶長亭共攀折至今怕聽唱章臺

出蛟行

夏五月三日吾浙之嚴州蛟起平地水高

丈餘越明日大雷電以風凡田廬之傾覆
人民之損傷六畜之漂沒殆不可勝數是
夜淳遂等處復蛟出水勢益大其田園室
廬人民六畜之沈溺益無算子聞而傷之
為作救蛟說以告世心殊未已因復作長
歌以慨之

五月三日歲戊子天大雷電風莫比傾盆甚雨聲
砰訇陡驚平地成流水魚龍出沒波汪洋譁傳嚴
郡潛蛟起室廬漂溺墻垣傾人民逃匿半生死洪

濤滾滾東西流滔天白浪浸城市復聞徽國及淳
遂蛟出數處勢未已可憐性命輕鴻毛存亡呼吸
飽鱣鮪或言蛟乃天之災或言蛟由化蛇雉或言
攻蛟有法則吾取其卵患自止紛紜議論非無憑
愚者區區但徒爾今 皇御宇仁蒼生湛恩厚
澤徧遐邇所貴水旱思預防幹全造化在顯仕

夏日病起口占

馬卿閒善病陶侃惜分陰
裴几積塵垢白雲流素
林庭隅歇芳草屋角變鳴禽
緩步虛廊外松風清

道心

月餘不得張四孝廉

湘任

消息賦此郵寄

五時

月十五日

張籍平生臭味親洞房佳句不猶人三旬雲雁相
思闊千里河山入夢頻已死劫灰蒙力拔關心藥
裏感恩真 余去歲大病蒙君日來看視且力主猛進諸熱藥乃愈 畫眉深淺
今何似盼殺文園病渴身

張子

湘任

自彭城惠書歷述沛邑天時地理

人物風俗滔滔二千餘語詳明簡要朗誦

一過殆如閱會稽三賦虞初新志諸作爲
題小詩四首書其紙尾

江上鯉魚至遺我尺素書深情結胸臆藻采臨風
舒滔滔數千語不蔓亦不疏彷彿告吾處一一游
其墟尙想古作者精卓復何如

上言沛山川煙雲變瞬息下言沛物力瑣細及酒
食人家深竹林鄉里半荒僻風教豈云殊傾身謀
斗尺失意杯酒間慷慨髯如戟一鐙風雨餘如讀

古史冊

日暮俊風寒飛砂復走石驅車出郭門雲樹遠含
碧偶雨灑平皋道路阻行跡村店兩三家遙遙隔
阡陌眷焉懷故人何以慰晨夕千里承惠書念茲
尤惻惻

言上歌風臺憑弔思韓才想君筆墨暇臨眺幾回
來翹首一以望流雲正徘徊媿余居田園守拙城
南村惟子不余棄猥勞遠賜言披函一再誦具徵
古誼敦

白荷花

瓊瑤昔誦香山句。妙品曾經妙筆題。影落橫塘隨
夜月。風飄遺瓣失銀隄。一雙玉蝶飛難別。十二晶
簾望欲迷。君子自然超色相。何須看隘若耶溪。
白也翛然莫比論。色空空色兩忘言。清風掩映疑
無跡。曉露微茫墮有痕。傲骨不教留俗艷。芳心應
合借冰魂。維摩一榻閒相對。脫落紅塵淨六根。

七噫嘻歌

丈夫失意名不成。四十無聞憂患并。父生母育長
已矣。低頭筆硯空營營。梁鴻寄食辱廡下。揚雄草
元流輩輕負郭。有田居有屋。先人遺業日窮蹙。暫
擬挾策干金門。且學新粧畫眉目。嫫母由來人見
嗤。不工顰笑總違俗。噫吁嘻。放聲一歌歌已悲。杜
陵三賦終棄遺。阮籍窮途徒涕洟。

旁人勸予南陽耕。手把長鋤了一生。男耕女織各
効力。雞犬桑麻遺世情。十畝之閭足怡悅。春風楊
柳鶯鷓鳴。此時便是桃花源。不爾亦擬無懷民。那
知躬耕仍食苽。力田不足餉妻子。昔念相如犢鼻
褌。今憂臣朔飢欲死。噫吁嘻。乃賡再歌心半騷。拔

卷三
三
劔出門風蕭蕭搔首問天天路遙

遐思昔日陶朱公去家三徙家屢豐千金散盡復
還集積金不鑄蒙山銅又見年來洛陽賈錦衣怒
馬醉歌舞斗酒十千恣宴游七尺珊瑚視泥土紛
紛輕薄以財雄致身半由經營中生財之術吾未
工差分少廣難兼通噫吁嘻悲歌三疊猿哀號持
籌握算爭秋毫魏子迂拙非其曹

慨然投筆思從戎日騎快馬腰箭弓萬里馳驅不
辭遠相隨一劔成大功衛青人奴封列侯敬兒勳
業來兜鍪懸弧設矢四方志男兒本是非常儔顧
我無能貧且賤讀書麤足記名姓一襟淪落伍屠
沽半世蹉跎心不競噫吁嘻歌四奏兮歌漸迫菲
才空負寸心赤數奇宜遭俗眼白

乘槎忽念逍遙游手攜鐵笛滄海浮圓嶠方壺不
可接中流擊楫任去留縱然莫遇琴高仙扁舟縹
緲無挂牽垂鵬之翼九萬里扶桑之木幾何年使
我到此開心顏脫略身世遺人間功名富貴復何
有及時行樂隨化遷噫吁嘻歌成五兮歌轉急樂

極哀來百端集精衛噓煙瘦蛟泣

聞道漢家張留侯棄家願隨赤松游今我不樂多
煩憂欲往從之道無由或言慧業皆仙才茫茫何
處尋蓬萊秦皇漢武俱安在驪山茂陵空塵埃王
喬緱山去不來李老騎牛無日回文成爨大誠荒
誕令威化鶴亦妄哉噫吁嘻仰首狂歌歌遂六服
藥求仙但多慾人世韓湘年更促

爲賈爲農悉不就學書學劍徒遭詬溟海蒼茫路
逶迤神仙恍惚何人覩遙憶先人舊時事風流王
謝比門地吾翁恬退樂林泉詩酒琴書寄高致嗟
余潦倒百不堪風塵漂泊南城南祖澤家聲兩寂
寞窮年閉戶搜書龕噫吁嘻歌終曲兮白日馳素
虛抱分身已衰慨長歎兮悔曷追

瓦釜集卷四

平湖 高蘭曾 楚薌

屠維赤奮若

正月二十七日為先妣氏忌日鮮民之痛抱
恨十年追憶慈顏永無再見之期人生到
此情何以堪悲從中來泣然有作

兒初生母心喜兒壯年母不俟兒早失怙兒惟母
恃余年十九先兒又生兒母去矣罔極深恩何
可擬吁嗟乎生不能供甘旨沒不能盡祭祀鮮民

卷四
之生不如死。

寸草生三春臨。寸草逢春草日長。三春生草春已深。春暉一去不復返。地厚天高何處尋。吁嗟乎奄忽十年隔。哀哀空苦吟。立身揚名聖人訓。蹉跎玩愒霜毛侵。

屈五茂才

心亨

惠示近著課蒙知困紙窗夜

坐靜讀一過因書其尾

挑燈坐良夜。風竹有餘妍。故人近示我。徑寸書一編。文成法自立。辭正理不偏。字字証心得。妙解真可傳。媿余少失學。莫獲康成箋。

○醉歌行

杯水覆平地。東西南北隨。流止人生自有命。窮通得失由天使。陶朱豪富宅三徙。道濟忠貞城萬里。昌黎文章千載師。李廣才氣無雙士。只今遙邈數英賢。後人憑弔空思擬。何況區區寒素流。有酒不飲將誰比。習池山簡醉如泥。北海孔融樽盈几。康成百盃容卓然。淳于五斗談蠡起。荆卿劇飲旁無人。漸離擊筑歌燕市。丈夫快意貴目前。古來賢俊

皆如此百年身世曾幾時莫學夷齊徒餓死

擬陸士龍高岡四章

陟彼高岡靈鳳在谷嗟我懷人温其似玉嘯月東
軒鳴絃茅屋氣靜於山人淡如菊願言觀之林深
澗曲

陟彼高岡維石磷磷煙霞笑傲花月常新春雨翦
萋秋風采蕤銜觴載詠顧影精神振衣獨立雲鶴
前身

靄靄白雲持不可贈落落蒼松鳴鶴相應言念前
人遺芳遙映菊澗清風疏寮高行于今幾何敢忘
先正

有猗其桐有離其實丹鳳爰飛翩然來歇企懷予
美冰壺競潔志清邈桂品高庾月臨篇遐思中心
若渴

擬春江花月夜二絕

春水澄如練春花艷欲然江風吹月上人影逐江
妍

花氣薰人醉江光瀉月圓方春諸女伴何處不堪

憐。

對酒讀畫二絕

披圖花滿眼。對座酒盈杯。就中無箇事。詩興勃然來。

澗水流還住。嶺雲去復回。伯牙絃獨撫。識曲幾人來。

贈日者

一元十二會。會萬八百年。人生片夢耳。死生且暮間。陶唐暨孔聖。文章煥坤乾。正當巳午運。堯夫著之篇。我命值丁未。納音河在天。學道不勇猛。忽忽成華顛。義山常屬疾。范炊屢斷煙。豈係日冲月。四柱或有愆。抑由木生火。心猿自焚煎。不然於卦象。離明莫尙焉。義取物爲雉。雉象應文傳。何乃獨孤陋。守愚老園田。之子精數理。爲我占其然。

少年行

年少誰家子。謁帝出金門。銀鞍錯錦繡。玉珮鳴瑤琨。昨侍宜春苑。今來沁水園。道途煥光彩。疑是天
上尊。邂逅茂陵女。相約梁園去。相見益相親。銜盃

共笑語笑語結情歡紅顏難再駐奈何章句儒等
閒春風度及時不行樂苦被詩書誤悠悠日月馳
忽忽桑榆暮

片石

米家片石重如彝結識元章世共奇巧費三年成
玉葉今人只作宋人嗤

舟行卽目

寒潮來萬里破浪一舟輕鳥向日邊下雲從波面
生壯懷青嶂迴詩思碧潭清卻笑濠梁上空知魚

水情

瞬息輕帆路幾程此時真箇御風行冷然不讓游
天上一雪元龍湖海情

余自失恃後萬事灰心不赴省院試十餘年
矣相如善病空知藥裹經年東野苦吟自
問酸寒一世客無能也人足算乎乃以學
官之敦促同侶之相牽不得已抱疴歲試
十年老婦重效畫眉賦此解嘲

閒居久作野田雀自笑無端又入羅痼疾豈忘松

菊主不才敢鄙鯽魚多。江陵在唐世號衣冠澤藪人言琵琶多于飯甑措大
多于鯽魚見北夢瑣言一生性拙成迂叟終日詩狂卻睡魔
十載假修渾沌術此行畢竟意云何

精嚴寺

信步牆陰下居然山麓行行殊未厭步步協幽
情石淨流松影林深聚鳥聲惜無文長老繕性細
論評

楞嚴寺

一徑入僧寺禪房到處清煙銷香篆細風定佛燈
明頗得山林趣殊欣翰墨精時在寺得觀梅花道人指頭書暨時人碑
帖對聯詩詞甚衆儵然塵網外相對慰平生

白燕

玉翦雙雙下上飛差池白羽受風微月明梨院疑
難辨影墮銀塘見亦稀柳絮輕揚迷素質珠簾斜
入混清暉潔身似爾真無匹悔盡人間脂粉非
聖祖仁皇帝御賜先文恪公綠端硯歌

媧皇煉石補天缺補餘棄置沈禹穴石工剝取破
天荒鑿之成硯貢 金闕吾祖勃興邦之直

君臣際遇咸一德天留殊物供殊才特蒙

恩賜酬翰墨迄今百五十餘年精光耿耿凝青煙
爛然奪得彼蒼色晴翠滿目苔痕鮮以手撫之潤
而澤原泉滴滴隨指出鸚鵡活眼未足珍歛州龍
尾亦罕匹嗟余好古生已遲對此何如殷商彝尙
想當年直禁時揮毫染翰書淋漓颺言拜手日
賡和垂名豈止文詞爲祖宗勲業不復再庶寶遺
器無傾欹君不見右軍扈班今安在子敬裘鍾已
千載二王書法超輩流芸窗几案增光彩得之奚
啻鼎足三傳之世世俾無怠

中秋夜同人詠月分韻得臥月嘯月二首

空庭積素作波流薄睡倏然蝶化周倦眼眩迷三
徑雪清光冷壓一肩秋覺來栩栩情彌活夢入空
空景更幽不是詩狂酣枕石人生明月幾當頭

右臥月

叔夜公和去莫留蘇門絕調久無儔月逢令節光
尤皎響遏行雲聲自秋午夜空山驚鶴鶴西風冷
院應松楸更闌不敢高吟嘯恐喝仙蟾落斗牛

右嘯月

陸大茂才

潤章

見示近作并索加墨因題其

尾

新詩惠示自無瑕。媿我何能筆削加。一榻殘陽淡
相對。正如秋水讀南華。

秋日漫興次杜少陵秋興八首韻

夕陽黃葉漸成林。一變蒼蒼夏木森。十載芸窗同
電影。滿簾煙浪瀉桐陰。階前蟋蟀添幽興。座右圖
書協道心。我本天公方外史。無懷那管急催砧。

艾納香燒篆影斜。涼宵習靜讀南華。青鐙燄落迷
書幌。銀漢光搖眩斗槎。不奈次安常屬疾。何妨僧
祐避鳴笳。蓼紅葵綠都堪賞。新得頭銜主晚花。
睡餘一覺送殘暉。薄醉初醒酒力微。短夢每尋紅
樹迴。幽情時繞白雲飛。編茅南郭平生志。傾蓋西
園宿願違。竊怪騷人悲底事。鱸魚正美蟹螯肥。
塵事喧呶一局棋。爭先奪路總堪悲。空聞玉液誰
長世。不見金烏駐少時。衛霍功名轉眼盡。王楊翰
墨等閒馳。子年了債劉伶插。千古達觀繫我思。

斗水爲池拳石山。悄然坐詠屋三間。身因貧賤時
多逸。室有琴書晝掩關。竟夕敲詩慙白雪。衰年沽
酒借紅顏。漢陰丈是前生我。早歲機心薄魯班。
鎮日含毫坐案頭。雁聲迢遞又驚秋。空庭月落思
千里。石路雲飛感百愁。瘦骨支離同野鶴。素懷冷
淡狎沙鷗。苦吟莫謂生涯窄。詩膽如天小九州。
氣爽天高沐化功。清時有味晚晴中。蘧蘧栩栩莊
生蝶。忽忽悠悠列子風。小立迴廊憐菊秀。閒行曲
岸豔楓紅。不才自合蓬門住。好伴田間植杖翁。

碧城十二路透迤。扶杖何能化葛陂。丹藥有靈蘇
病骨。元蟬無恙咽霜枝。少年蹤跡煙雲過。壯志消
磨歲月移。漫道不緣逢柱史。且探羲易學簾垂。

夢中作

萬物入於機。賢者見於微。聖人皆爲之。與世隨推
移。衆人蔽於物。我亦何異而。一心苟無瑕。未嘗汨
其泥。滄浪歌漁父。得毋我素師。

淮南王歌

淮南王好神仙。服食煉氣思昇天。不惜千金養少

年少年輕。寃何能賢。秦樓楚館。情留連。情留連。醉
管絃。風光到處。爛用錢。賓從雜。杏盡小友。六博。蹋
蹴。鬪雞狗。意氣驕矜。傾萬夫。觀者動色。歎未有車
如流水。馬如龍。別後黃金印。如斗。人生自是波上
漚。百年世事。煙雲浮。何須螢案。苦低頭。何用雞窗
作楚囚。只今八公安在哉。乘鸞跨鶴。誰見來。小山
悲歌。風雨哀。空餘叢桂。生荒萊。

漫題

午雞聲不到書堂。讀書焚香日滿廊。我已疏慵兒
更嬾。擁堦黃葉。習相忘。

夜飲對月

黃昏無事坐超忽。一杯入口百憂歇。天意也知寒
士寒。長空特湧半輪月。月波衝身身欲飛。對酒高
歌興不竭。竹屋寒生金粟膚。柴門冷浸梅花骨。清
空一氣殆疑仙。詩成笑傲吞溟渤。

子夜四時歌

自儂見歡來。芳情兩無猜。春風亦解事。羅裳爲吹
開。

今朝華簾上即行何處邊暑熱不成寐愁腸日夜牽

牽帷出復入涼月落前軒黃栢生胸臆陰苦向誰言

歡情風中絮妾心歲寒松歡如不儂信來看雪上蹤

觀北墅圖有感二首

少宗伯先文恪公購別業于北郊外名曰北墅凡三十二景嘗命禹鴻臚之鼎玉石

谷罨繪圖以記勝每景先文恪公皆有小

序及詩今園址已廢禹鴻臚所繪圖向聞

在清吟堂今亦不知何往惟此圖向存先

君子處今珍藏于大兄家孟冬下浣僕臥

病里居忽于夢中細觀一過賦此志感

時事本夢影斯圖幸獨留先人不復作勝景空千

秋芹澗自流水漁書何處樓北墅內有芹香澗漁書樓二景靜觀

慚世業斜月下簾鉤

指點煙雲裏蒼茫過眼虛丹青傳勝跡泉石已邱

墟不盡名流詠

先文恪公時名流過北墅者題詠甚衆

空懷問字車

驚心滴殘漏惆悵獨愁余

野田雀行

吾邑稻熟時鄉人收割者往往堆積俟鷲
嘗見野雀千百成羣飛鳴聚啄其上童子
輒以竹器半覆之而遙引以綫俟其至則
遽斷其綫覆以取之其哀鳴躑躅之態甚
可憫也余見而傷之爲賦此詩

魯連好排難功成辭千金四皓定儲位長揖還山
林丈夫生天地觸處懼風波拙哉野田雀見食投
網羅投羅復何惜哀鳴良可悲拔劍急揮網網開
黃雀飛飛樂性天物吾俱永年

寒夜讀紫華舫詩集有感徵士屈七舅氏爲

章韜園先生

徵士吾舅氏冠蓋徧京洛博奧傳鶉觚閒逸謝康
樂詩卷滿人間斯人永不作一別渺千年高風遽
化鶴清夜誦遺詩孤鐙共蕭索悲歌霜露寒涼月
落高閣

今夕行一首贈張三別駕儀盛卽以送別

今夕是何夕。故人快相見。往時分手草廬中。九載
 睽違始一面。于今一別又五年。紅燭清罇夜開燕。
 憶君昔日來敝廬。意氣激昂雄萬夫。淋漓痛飲傾
 百壺。酒酣耳熱歌烏烏。高談快論劇儕輩。嬉笑謔
 欬風生隅。閒情月下訪紅拂。乘興河陽買綠珠。謂別
 駕在湖北。納一姬及旋里時又納一姬數年心緒各傾吐。兩地離懷
 聊暫舒。豈期今夕復相見。光景頓與前年殊。殷勤
 相對一盃酒。燈闌明月臨階除。舊事重提細商確。
 梅花滿枝同欷歔。梅花裊裊增眷戀。明月娟娟深
 依於。那知乍見卽言別。匆匆一棹隨波急。聞雲浙
 樹遙相望。煙水蒼茫助行色。

自題歲寒偕老圖十首

二十年來共隱居。不才似我媿何如。黔婁家計蕭
 條甚。竹屋寒鐙伴著書。
 夕陽烘暝一籬晴。秋雨秋風轉眼更。贏得梅花共
 無恙。藥鑪經卷了餘生。
 文章事業久灰心。歎息新霜兩鬢侵。四十無聞勞

爾慰一燈風雨夜聯吟

睡起晴窗日未高。敝裘不暝朔風號。空庭煮雪同銷悶。學得酸寒誦楚騷。

支離瘦骨聳吟肩。吾愛襄陽孟浩然。半世心期成畫餅。匆匆風景又殘年。

一身詩酒作生涯。磊落襟懷空自嗤。叔夜褊心應寡合。馬卿善病藉扶持。

雪屋淒其晝閉門。長安年少早掄元。茫茫前路知何似。人事喧呶酒一尊。

春風紅雨鳥空啼。秋水芙蓉事事非。先文恪有別業曰北墅

內有紅雨山房芙蓉灣諸勝共三十二景時倩王石谷顰禹鴻臚之鼎繪圖以記其勝今已廢卅載泥塗慚負爾。卻憐林下願無違。

鹿車共挽汝無慚。犢鼻經營我未堪。相伴年年風雪裏。窮愁東野賴包含。

翛然松竹寄閒身。一幅鵝溪共寫真。願我無能非傲世。病夫應合混風塵。

戲作六言句三首

竹閣焚香晝靜。紙窗鐙火夜然。好伴松風梅月。老

我詩卷經箋

一室藥鑪茶具半牀畫史書評敢希倪迂玩世竊
比米老怡情

貧病年來益甚多蒙天許閒身無慾足堪養病有
梅未算家貧

除夕供先人像訖喟然有作

關西孔子楊伯起四世三公光閭里名門盛德古
來稀迄今千載耀青史嗟余亦是名家子半生落
魄無一技馬卿善病動經年侯瑾居貧莫知己蹉
跎玩忽老湖濱潦倒風塵長已矣蓬門寂寞可張
羅世業蕭條委流水愴懷祖澤媿行藏感慨微躬
負怙恃內外相承至篤衰何期曠代遙相似

瓦釜集卷五

平湖 高蘭曾 楚薌

上章攝提格

○ 古風

斯文自在人。吾衰將誰訪。微言久銷歇。瓦釜競高
唱。煙波青笠翁。書畫米家舫。悠悠千載心。脉脉常
相望。

幽蘭生空谷。芬芳人莫知。眷焉獨傷懷。采以遺所
思。所思不可卽。中夜夢見之。相期各努力。黽勉及

良時良時難再得。浩歌空鬱伊。

牽牛附松柏。迢遞臨高柯。春風發華萼。枝葉何猗
那人情愛顏色。觀者盈山坡。嚴霜一夜至。驅車誰
再過。

君子重信義。憂道不憂貧。達人任天命。龍蠖隨屈
伸。日月迭變化。四時遞更新。少壯不學業。遲暮多
酸辛。

人年罕滿百。七情互起伏。垂老不暫休。寸衷轉車

軸步出郭北門。蠡曇家相續。沒世名不稱。容容空

鞠育。

黃鵠翔千里。下視松柏林。衆鳥棲一枝。喈喈弄好
音。物性固各異。所感隨淺深。泰山與培塿。造化何
容心。

儒者先德行。多文未為寶。在山名遠志。出山成小
草。碌碌多因人。焉用致身早。有情千種思。何似忘
懷好。

終南有捷徑。此風幸久息。可憐熱中者。輾轉希苟
得。夤緣卒無成。肆口鄙肉食。誰知豆羹間。倉猝變

聲色

十年擇良友志節獨清矯超然流俗間迥若秋鴻
杳不恨識者希但恐名心擾寥寥沮溺耕有懷終
未了

吾愛楚接輿風塵具真識狂歌歎鳳衰慷慨感今
昔突然肝膽傾轉盼煙雲隔神龍游九天可望不
可即

春日病起雜咏

一病年來興更狂閒中事業種花忙藝蘭乍了還

栽杏贏得青紅滿院芳

男兒失意剩剛腸壯志消磨水一方誰似詩狂杜

陵老乞花高詠興偏長

晴窗點易手頻披風絮輕揚撲硯池九十春光容

易盡鬪肝蟲臂我何爲

摩詰辛夷已盡墟來禽零落悵何如吾家北墅內
有來禽如紅

兩山房蔬香圃共
三十二景今廢多情惟有空梁燕猶復雙雙話

敞廬

三月韶光競弄姿春風紅雨渺難追那知煙景范

無際妙續蔬香一卷詞先文恪公有蔬香詞

十二空花復實花先君子與庶常硯隣舅氏孟韓有十二空花十二實花詠

風調未云遐而今舉目春如昨坐閱清芬兩鬢華

竹外桃花紅更肥弄晴作雨鬪春菲西莊舊事空

留記先文恪公有別業在杭城外日西溪山莊曾蒙聖祖南巡時恩賞游幸并蒙

賜詩有花源路幾重句因取花源二字以名草堂澤州陳相國文貞公有記欲訪花源

人已非

春來事事可憐人酒暖茶香也一新未免有情聊

樂我會心魚鳥自相親

一塵容膝戶常扁纔到花時眼便青莫笑維摩同

臥疾雨花居是舊居停雨花居竹蔭俱在西城內先君子書室今亦讓居

疏懶于今分外加日高猶是夢煙霞空承天

語褒忠孝康熙十七年先文恪公蒙恩賜忠孝之家章孤負青陽雨

澤賒

寂寂蓬門冠蓋疏手栽花藥徧堦除東風得遂頭

風愈便與董君日荷鋤

金縷絲絲繞屋垂湘簾披拂夕陽遲余八世祖贈光祿大夫宜武公有深柳讀書堂在姚江之匡堰不知此日姚江上曾否風流似

舊時

書成抱甕白歸田先文恪公歸田後著有抱甕錄諸種純樸家風在

昔傳我亦平生絕機械誤嬰塵網苦牽纏

竹窗遺蔭幾家全樹蕙微蘭世澤綿三十年來成

小劫蝶殘鶯老不勝憐

紅橋一醉博新篇口擔名花當酒錢顧我無間意

交接自題詩句寫烏箋

綺歲疏狂不解春卅年潦倒鵝湖濱邇來夢破邯鄲

道彭澤桃源好結隣

頭病

經年頭病怕風侵一盞新羅酒自斟翠竹青松敦

夙好梨花明月澹禪心疏狂不解宏羊計日用長

愁陸賈金安得劉伶胸次闊幕天席地頌高吟

悶雨對酒集坡翁詩句成篇贈張子

我本山中人事事纏綿之三盃輒飽後一笑百念

衰蕭條北窗下空洞了無疑微雨止還作我醉都

不知故人應念我不改麋鹿姿頽然寄澹泊佳趣

正在茲

僧房題壁

聞訪招提暫寫憂。禪房花木劇清幽。曾聞夜半傳
 衣鉢。捨腦刻身空苦修。
 一鍼鋒納界三千。七寶蓋容諸佛天。認煞浮漚目
 全海。茫茫何處出塵緣。
 陰陽造化道無窮。消息分明太極通。會得最初微
 妙處。如來自在寸心中。

夏日曉起

入夏每晨起。悠然野興長。昏煙散林隙。曉露泣蓮
 房。屋角月猶掛。階前風自涼。此中有真味。應勝黑
 甜鄉。

海上日初出。蒼涼天地清。晨光在高樹。殘燼落孤
 檠。暑意一簾盡。雲峰幾片明。空庭閒徙倚。樂此有
 餘情。

八君子詠

余嘗讀後漢逸民傳。及并大春王君公家
 文通諸人。未嘗不廢書而歎曰。嗟乎。此周
 易所謂不事王侯。高尚其志者。而余意聞

其風而起者頑廉懦立薄夫以敦鄙夫以
寬抑亦輔世長民之一助云雖其人各乘
虛遠遯匿影名山若有類于作者之列而
志意修潔篤信好學固與裂冠毀裳背巾
行而去之者異矣跡其蟬蛻汗泥之中儵
然塵垢之外殆皆不失爲君子人歟爰竊
取八人乃寫心而爲之詠焉

向子平

向子通義易喟然悟損益得解味偏長尋山興增

劇一念脫塵緣五嶽徧游屐心源水似清何過非
安宅

王君公

君公牆東避僧牛還自汗無瑕原在我降志聊全
軀豈必入林密方知大隱殊和光同物化不礙世
通儒

井大春

井君善談經紛綸叩不竭腹笥傾邊韶心織陋王
勃調笑玩權豪孤高絕干謁當塗何足言詩書慰

飢渴

高文通

文通不偶俗讀書情獨專業勤水漂麥志壹兩忘
天仁讓平生事耕漁莫受憐古人長已矣尙友尙
殘編

臺孝威

孝威鑿穴居含光隱山澤繁華豈不榮清貞性所
適采藥藉扶衰養和幸靡忒眷言商山翁曠代比
清德

矯仲彥

素懷慕黃老仲彥具深抱騎龍信絕倫弄鳳庶相
保覃思析死生入冥安枯槁世無吳馬儔誰復知
傾倒

法喬卿

喬卿貴介子稟性耽清虛體閒兼四業居幽樂三
餘郭正羨難見田羽列薦書逍遙外塵垢感我果
何如

龐襄陽

裹足不入市我愛龐襄陽遺安計長久勤役力農
桑欲寡自殊衆情疏合遜荒縱然違世用清風舉
室香

先君子墨龍畫障敬記於後

古今畫龍誰最工前有僧繇後所翁僧繇善畫入
神品點睛輒欲飛天宮所翁崛起得真訣酒酣落
墨雲濛濛吾翁自是方壺仙游戲偶結人間緣晴
窗晝永日無事解衣盤礴身滿煙嚼墨一噴信手
抹興之所至神隨焉先君子畫龍至風雲烘託
處輒以指頭及手掌或衣袖

和墨亂抹之頃刻立就是時不有僧繇在胸中那識所翁賢

但覺心手兩相應手應我心心應天斯須掃盡案
頭紙屈伸變化爭蜿蜒電光閃爍風怒吼欲雨不
雨雷盤旋至今手澤幸如昨淋漓墨汁常新鮮翫
然元氣聚超忽筆補造化忘言詮先人一去不復
作蓼莪抱痛空年年使我對此發三歎煙雲滿眼
增涕漣畫耶真耶恍莫測尙其世寶慎守旃

錢武肅王鐵券歌

有唐末運厄陽九長安天子下殿走中官發難搆

龍蛇諸鎮紛紛事攻守天生異人出天目錦袍玉
帶矜追逐羅平走死妖鳥亡父老歡呼慶多福陌
上花開春復秋一十四州具臣僕三千強弩射潮
迴半壁金甌永保族九天特詔旌殊功用頒彝器
榮王躬鏤金作字鐵作版俾之世守傳無窮恕王
九死子三死三百卅字鐫其中宰相錄名昭鄭重
河山帶礪誓始終尋文披讀讀未已想見動名炳
青史迄今陵谷幾變遷摩挲舊物深景企憶昔賞
券焦楚錕王豈忘情唐再昌無奈強鄰壓邊境同
壤爲仇空殺傷越國伐人非至計楊頭未斫難鷹
揚不如戢兵暫和衆順時慎守安封疆縱或議者
易詆毀勤王不出王負唐厥後子孫輕棄擲王俶
納土陪裸將得之自唐失之宋對此母乃慚忠良
詎知當年具深抱維王保障東南道一隅坐守非
偷安百萬生靈蒙大造傳聞此券沈波濤漁人網
得貢諸朝功在斯民物不朽風霜剝落終莫消髯
蘇曾作表忠觀大書特書王賢勞年來祠宇徧浙
右庭院蕭條錦樹凋越山突兀越江潮回首蒼茫

卷五
霸業遙片鐵區區復何有幾回望古增牢騷

驟雨初霽借山荆息女納涼荷畔瀟茗談詩
花香茶淨頗快人意偶憶汪堯峰先生有
吹花風起水生香句卽次其韻各作一首
因念張四孝廉惜未把晤錄贈以當一夕

清話

快風吹暑歇雷雨虛廊閒坐復閒語
清空一碧雲舒霞遠曳蟬聲隔林去
雀舌新煎風味長半甌入口涎流香
藕花波起涼生火未相攜張景陽

立秋夜露坐口占

六月欲盡暑未收殘月漸沒柴門幽
流螢點點了無數冷露淒淒又早秋
獨客夜寤不成寐一身疾病空牢愁
同時進取幾儕輩誰上百尺元龍樓

齋中四詠

大理石硯屏

屏高尺許闊約六寸許石文如畫大有
米家筆意花梨作架渾樸中頗繞絢爛
片石天然風景奇疏林疊嶂路逶迤
分明一幅襄

陽畫如此雲山坐付誰

宋米海岳有雲山得意圖

宣銅鑪

漫誇孔鼎與商彝。卽此銅鑪曠代期。一榻茶餘新睡足。靄然芳氣洗心脾。

朱碧山銀車杯

碧山名華玉元至正間。人世傳曾遇仙人。授以異術善治銀器。先文恪公會于萊陽宋荔裳先生家。得見銀槎製作精巧。後又于江南人家見一銀槎。雕作小

異各臻絕妙。皆作詩記之。此樽則先文恪公所遺。未知于向日所見何如。因記以詩。

奇器從來不足珍。碧山妙手擅鑄銀。須知造化由真性。未必仙才定勝人。

周柱嵌檀盒

聞說周生巧絕倫。恢恢游刃技通神。匠心獨出無儕輩。貌得江南一段春。

立秋已十餘日。酷暑尤甚。階前閒坐。荷香撲

人喜而賦此

陡覺清香破鼻來。階前閒坐亦悠哉。仰看纖月林
端上。俯視流螢水面回。少業詩書成往事。長耽花
竹及時栽。湘簾一帶中間捲。又見新荷幾朵開。

秋柳

秋涼頓覺好時違。忽忽塵寰已十圍。絕代翠眉徒
比擬。傾城弱體剩依稀。淡雲微雨春風遠。殘月橫
塘夜雁飛。漫說先生曾作傳。那堪楚客共增歎。
楓落江干別緒賒。板橋一曲夕陽斜。草臺走馬西

風緊。梁苑揮毫勝事遐。顧影殊難藏皓蝶。關情爭
得噪寒鴉。憑誰吹出桓伊笛。生意婆娑盡水涯。

鱸魚風起暑全消。青女西來景寂寥。一角遙山雲
黯黯。半林殘葉晚蕭蕭。江城冷落煙空鎖。灞岸淒
涼草自凋。回首韶華時不再。樹猶如此倍魂銷。

六代繁華世幾遷。金城往事散如煙。可憐濯濯王
恭日。無復翩翩張緒年。驛路風高聞短笛。空亭雨
歇咽寒蟬。傷心不獨桓司馬。我亦攀條涕泫然。

秋夜讀楚詞偶詠

連宵風雨一燈青。痛飲悲歌醉復醒。碌碌塵寰多
缺陷。澆澆天問若為聽。

刻意消愁愁轉多。其如公正不容何。楚宮幾廢文
章在。日月爭光志不磨。

中。申謠咏害貞臣。偏道蛾眉不讓人。擬託良媒尋
夙好。靈脩浩蕩莫余親。

含情莫訴苦行吟。沅芷湘蘅觸緒深。畏罪憂讒無
限意。可憐垂死未灰心。

清才無遇獨傷神。濁世何知鳳與麟。寄語湘流想
弔者。從來麒麟混風塵。

地震行

庚寅七月夜丙子大風東來吹海起怒濤山立石

亂飛獨山海塘半傾圮是夜獨山海塘海鹽聞壞
八十餘丈吾邑衝壞四丈

幸危湖落時近海
居民均得無恙多幸潮來風漸平邑人歡呼慶

閭里是時初聞河南信彰德數州均地震武安甘

陟同遇災身家性命爭轉瞬聞河南于閏四月二
十二日戌刻彰德武

安同時地震二十三日天明大震武安城西一帶
房屋盡傾壓死居民七八百彰德房屋約傾大半
傷者無數甘陟縣安陽湯陰同日遇災死傷倍
于彰德府自二十三日至五月十二日乃止凡遇

災人家人人危患均露宿
空地及踰月人心始定
牒書走報院與藩日維

庚戌月厄閏其中受禍誰最傷
傳言莫甚新城鎮

又新城鎮地裂黑水涌
霎時村落驚倒翻一民一

屋罕或存汪洋黑水涌
無際風雲慘淡迷乾坤飛

沙走石勢未已人人危
恐東西奔余聞風暴輒變

色矧聆此信重惻惻奄
忽涕淚霑衣襟坐使新霜

添鬢黑方今
聖人履至尊太和洋溢彌川原

懷柔河嶽徧滄海平成
到處沛殊恩天道幽

微信難測野夫愚昧多
憂煩會當乘風叩闕闕一

問蒼蒼其何言

郡城有懷張四孝廉臥病

兩地惜分手況當亟病時
秋風添別緒永夜倍相思
藥石率無效生全未可期
此心愁莫比真箇怒如飢

題王君 大海 海島逸誌

讀經明古義讀史識往事
雜說紛紜詳百家山川輿
地各有志益地圖大荒記
越裳重譯來荒夷東方十
洲逞瑰異惟 聖教之遐敷
雖異域而必

書疇謂蛇嶼與猴墟咸能一一窮其居壯哉柳谷

王氏子青年出入波斯市破潮萬里乘長風雲海

蒼茫遠行李安南以外西復西闍婆柔佛輒三徒

奇聞壯觀羅心胸蠻夷相攸禮數隆余聞君嘗淹留噶喇吧國

贅于三寶瓏甲必丹家甲必丹者噶喇吧國之官

長理稅賦者其富率不下百萬每多恣意聲色乃

以念母三年遠客決計歸田不移時用且授漿設

盡仍筆耕以代祿養家計蕭條晏如也館日無事恣意遨游海島中眼看海外之夷俗借

書于手徵異同紅毛强悍和蘭智爪亞與順愚且

蒙人情風俗細撰述一編夜闕何宏通吾聞王君

留絕域玻璃為窗玉為食三年不忍將母思倉猝

扁舟回澤國陸賈之裝滿橐囊珊瑚木難壯行色

歸來正值家顛連不日散盡黃金干筆耕依舊守

硯田寸衷蕭然無掛牽我生結習嗜奇幻閉門矻

矻常遭訕恨不乘槎攜素琴手挽成連共操縵水

天浩瀚空無邊煙雲曠朗任疏慢置身方壺負嶠

間一洗人閒歡與患

擬陸平原順東西門行

出東門上西山煙雲縹緲秋色闌顏陋巷孔杏壇

去者日疏悲莫攀桂初落菊又殘今我不樂歲云
殫烹羔羊炙肥豚里閭遊戲且盡歡卞和璞葛翁
丹至今寂寞人知難

○放歌行

人生不作李謫仙酒飲一斗詩百篇便當不失王
仲宣登樓一賦傳千年可憐齷齪俗中子薰心富
貴口流涎脅肩取媚日不暇飀雲覆雨隨風旋豈
知得失自天定揣摩集闕空資緣何如縱情樂詩
酒素位而行到處便只今李白渺難再王粲樓存
世幾遷猶令讀者有餘味津津齒頰飮芳鮮

自問

借問城南善病人風塵落魄典衣頻無能無好羞
彈鋏枉作昂藏李泌身

自答

我是天生一散人形骸放浪苦吟頻天恩祖
德酬難盡辱在泥塗不辱身

擬謝元暉蒲生行卽次其韻

蒲生河水湄掩映橫塘側綠葉瀆輕波甘雨增顏

色那經風浪摧根斷不再植飄零隨化遷平生空
努力何如漆園蝶憑虛奮雙翼

擬謝元暉詠邯鄲才人嫁爲厮養卒婦卽次

其韻

妾本金閨秀出入瑤臺幄玉貌驚花艷春風鬪柳
眉自從奉巾櫛不解別情悲豈意半途異淪落減
清姿月夜空增感猶懷雨露私

混玉吟

石不自言是碣砮宋人寶之如璠璣卞和抱璞剛
雙足泣血長號徒自愚鼂錯謀七國袁盎讒之身
被誅晏嬰殺三士二桃賜食死有餘人生萬事難
預料戒愼恐慙何迂拘蕭曹刀筆吏英布亦刑徒
衛青困未遇齷齪爲人奴卜式牧羊樊噲屠酈生
高陽老匹夫一朝附日月勳名爛史書方其在閭
里人鬼爭擲揄乃知良玉棄田野今古混淆礫不
殊滔滔世俗皮相士笑殺披裘山澤臞

采菱曲

綠水明朝日采菱湖水濱素面凌波潔紅粧映日

新秋風亦無賴。吹縞越羅裈。
蕩舟馳桂浦。呼伴息蘭溪。脈脈情何厭。行行路欲
迷。含愁忘采摘。悵望夕陽西。
簫弄澄江淨。菱歌暮色闌。憮然秋思滿。颯爾清風
寒。羣芳坐休歇。不奈寸心酸。

湖樓晴望

清風卷雲去。百里見秋毫。木落骨同瘦。眼寬情更
豪。山光浮水活。波影鎖煙牢。卽此堪題詠。底須僕
命騷。

秋日偶感

涼秋八九月。霜園蝴蝶飛。挾伎飲芳閣。持螯賞菊
籬。巖桂香盈座。林花紅染衣。卽景樂年少。何減三
春時。誰懷杜陵老。淪落苦裁詩。空讀書萬卷。流離
世莫知。畢生不得意。但爲紈袴嗤。

瓦缶集卷六

平湖 高蘭曾 楚薈

短歌行

茫茫塵世悠悠蒼天慨我寤歎憂來無邊一解我憂

維何江湖風波樽俎甲冑談笑干戈二解鳳凰于飛

為王國儀困于中田含沙噬之三解譬如行遠川谷

崎嶇墨悲歧路阮泣窮途四解鄧禹笑人灌夫罵座

人生百年顛倒造化五解貌疏情親千里孔邇情疏

貌親咫尺千里六解猛虎在阱犬羊圖舖志士失職

野夫胡盧七羨彼草木不識不知榮枯順運隨遇

盛衰八我心蘊結山高水深王郎斫劔莊舄哀吟

九周王八駿電躡風驅不遇造父白首泥塗一猗

嗟青蠅維臭反香營營朝夕恣意炎涼十一輿論

波靡滔滔皆是瞻仰琴高超然乘鯉十二有鳥精

衛志平滄海其事孔艱其心靡悔十三老驥伏櫪

日月蹉跎何以忘憂對酒高歌十四

閒坐讀揚子雲太元經偶題

爾室優游左圖右軸聿惟太元精心運獨妙極道

數探尋奧曲洲部紛如厯算淵穆測往知來始終

漠局出入五經全符秘籙自非三餘晴窗細讀鹵

莽研求陰陽交賣

里居無聊百感交并挑燈獨飲飲少輒醉醉

酒妄言率爾成詠

九州以內東海之濱日有怪物蓋異常鱗無競于

俗無欣于人其窮于涸困于棘榛狎于同類輕于

飛塵其現于世躍于延津游于滄溟上下洪鈞雷

霆風雨具見精神顧其賦畀狷介絕倫莫肯下氣

忍沒終身泉石吟嘯煙雲屈伸大荒絕野廓乎無
垠茫洋恣肆率性全真

擬唐人塞下曲

左賢萬騎合天山戰士長征去不還但使漢家飛
將在何愁生入玉門關

黃羊谷口角聲悲聞道呼韓大集師咫尺生離成
死別紅閨猶是訂佳期

羽書昨夜下徵兵指日三軍動地行豈盡貪封侯
萬石從來壯士死邊城

大漠窮冬積雪飛龍沙莽莽失旌旂嚴更四野鳴
笳起淚盡征夫血滿衣

前隊彎弓半殺傷將軍高會唱伊涼家鄉回首茫
無際極目雲天落日黃

風結冰河凍不開平明催敵單于臺論才豈遂無
英衛諸將承恩已久來

卽事

徑僻人來少天高雁影微荒庭寒落木虛室坐生
輝交寡門常閉愁多帶減圍 君親恩莫報多

病寸心違

唐子畏溪山行旅圖

層巖長亘天。寒泉灑晴雪。何時忽飛來。化入唐生筆。

溪流山欲飛。雲深濕染衣。安得向禽輩。相攜此息機。

無名氏山居圖

青山如故人。夙昔深莫逆。披圖快相逢。恍接幽人屐。蒼莽一望間。白雲擁巾幘。嘉彼山中客。不受俗塵役。我亦山野流。樂此永朝夕。

閒飲以牡丹亭下酒。偶有所感。遂題三絕句。

於上

惱帶撩釵百怨盈。情死一情縈。不因驚散鴛鴦夢。併作梨花了此生。

柳綫煤鬢漫結緣。良辰美景奈何天。牡丹亭原句自來

才命原難合。豈獨卿憐我亦憐。

一觴一讀一稱奇。妙與高唐賦並垂。題贈風流閒子弟。不徒宋玉有微詞。

夜飲卽事

十年常病性增慵。小飲鐙窗觸緒重。座滿圖書歸
下酒家承忠孝老爲農。牆陰禿樹立如鬼。屋角西
風吼似龍。一瓊松醪一庭月。閒吟瘦盡沈郎容。

孟冬十有三日張二上舍

祝周

陸大茂才

潤

章張大教習

敦瞿

張二茂才

敦毓

顧小齋

留飲夜話賦此

冬十三日天氣清。蓬門有客懽平生。相逢一笑略
賓主老夫懷抱快傾吐。座中旣接張子容。復覩雲
間陸士龍。欣然把臂臭味親。高談雄辨酬酢頻。元
方兄弟更超絕。玉貌亭亭光照人。僕病年來衰已
甚。幸與諸君共酣飲。竹窗晝暝紅地鑪。分曹射覆
飛玉壺。鐙前稚子醉行酒。爭取殘酌心膽粗。人生
樂事隙駒過。誰似今宵劇飲多。古來嘉會自非偶。
試爲諸君一放歌。

病起

病起日無事。終朝只是閒。仰看雲出沒。坐對鳥飛
還。性冷石爲友。精銷藥駐顏。青萍空負氣。寂寞老

田間

不寐

寒夜不能寐。虛窗風自尖。艱難懷世業。時味異酸
鹽。多病一身滯。新霜兩鬢添。愁腸殊莫解。欲說口
如箝。

輾轉心如結。琴書了此生。一燈閒獨對。永夜酒頻
傾。詞賦莫爭命。衰殘安望名。老年過已半。無用問
君平。

念佛行

香煙昏黑。燈光青長。呼佛號千百。朋番僧高坐。作
梵語。手搖鈴珠聲。泠泠昌言。謂奉菩薩教。乃可不
入枉死城。鄉愚貿貿。爭輸誠。朗誦觀音諸品經。豈
知地獄本意。造蓬萊仙闕。誰見升。況復癡心冀冥
福。溺情富貴。修來生父母。夫妻棄不顧。利欲熏炙
空營營。君不見佛說諸經首。智慧拈花微笑。參無
形。悟道從來緣。慧業庸昧如此。何能成。嗚呼安得
大士瓶中甘露水。使之羣盲徧飲。一旦豁然醒。

題僧棲心山水畫

路高出雲表。人行來木杪。披圖快登臨。一覽紅塵杳。

溪山多白雲。晨夕自舒斂。雲來溪山明。雲去溪山暗。

題宋江貫道深巖瀑布圖

天半白龍飛。旬旬與石鬪。寥寥空谷中。終古龍吟吼。
空山本無聲。泉石兩相爭。奔流不復讓。轟雷日夜驚。

自題寒江獨釣圖

蓑笠煙波作釣徒。側身天地一迂夫。片帆短棹隨流住。安穩生涯得故吾。

對酒書懷次坡翁辯才師韻

十年瞬息人情改。慚媿微軀病常在。興酣蓬壁快題詩。酒醉茅檐暄曝背。松醪滿飲起衰殘。梅影輕搖勝圖繪。同時儕輩幾升沈。舊事繁華移警歎。感我漚浮碧浪中。何人夢醒紅塵內。邇來壯志益蕭條。羸得疏懷無罣礙。一生蠹簡訂心交。半世雞窗

空坐對靜參損益悟窮通不尙公輸巧作磴

觀沈凡民畫幽壑聽泉圖

山深石峻層巖青中有幽壑飛泉鳴龍吟虎嘯天
晦冥白日忽變龍鬣驚山人無事山中行時來松
下傾耳聽凜如匹練侵雙睛旬如掣電追雷霆前
水方喧後水并怒濤洶涌風雨爭橫空一落不計
程半巖鍾作寒潭清泉行到此奔暫停微波旋激
絃管聲凌華彩女彈銀箏段家安香吹玉笙恍惚
仙音張洞庭琅璈湘磬遞送迎吾生萬事鴻毛輕
泉石膏肓遺世情經年善病晝掩扃煙巒出沒空
夢縈沈郎墨妙筆亦精明窗淨几偶寫成揮毫奪
得山川靈令我見之妙莫名咫尺千里靈境呈臥
游日日歡平生

塵外

塵外寡人事塵中多苦辛翻身出塵外至樂自無
倫

紅塵飛不到不在入山深卽此一塵裏悠然太古
心

和內題石谷山人王翬 水墨寒夜送別畫障

人生何許最關情。惟有離懷輾轉縈。咫尺天涯一
分手。青衫烏帽跨驢行。

滿山殘雪壓松枝。萬壑千巖去路歧。歲暮茫茫百
端集。那堪重譜渭城詞。

驢影凌兢夜色寒。風林凍合葉聲乾。分明繪出江
郎賦。別緒蒼涼畫裏看。

南田筆墨世無儔。只讓先生出一頭。青綠到今名
莫偶。含毫淡寫復清幽。

空囊

詩書有真味。只是不充廚。總媿餘糧裏。差強徒手
呼。感懷裁短句。隨意負奚奴。竊附劉君選。一錢聊
爾汗。

壞木

壞木莫宜眾。良工無可為。不材應廢棄。閱世總支
離。縱抱煙雲致。難堪斧鑿施。誰憐深澗底。風雪日
傾欹。

忽不任愁作此自解

愁思忽而至匡坐心茫然嘗高譚安石行藏得兩
全閒情蓄歌伎賭墅卻符堅更高梁伯鸞寄食安
一塵幹蠱具深抱衷情苦難宣世人不加察謬謂
忘塵緣苟無濟時略獨善亦何賢嗟我老蓬蓽蹉
跎歲月遷悠悠人間世宿疾增纏綿撫髀空太息
壯志付雲煙黑貂亦已敝緋袍誰見憐二豎劇作
惡徒勞百慮牽林泉敦夙好落寞友殘編子真隱
谷口躬耕樂在田雖無卿相貴高名簡冊傳子陵
去光武垂釣富春淵一朝共偃臥星辰天上懸戴
良駭流俗匿跡江山巔逢萌掛冠帶浮家遼海邊
陳平曾割肉馬遷慕執鞭濟南伏不鬪東平酒爲
年人生各有志出處本由天誰能回大造飛翻游
化先竊歎熱腸激無端愁萬千何乃不知命膏蘭
自焚煎

感遇一百韻錄示張四孝廉

湘任

屈五茂才

心亨

陸大茂才

潤章

張大教習

敦瞿

卜宅城南住于今已九年蹉跎添白髮飄泊老青
羶腹疾終難愈頭風不肯痊菲才應共棄獨學若

為憐屈指桑榆迫，傷心節序遷。那堪逢歲暮，只是滯江邊。冷落慚遺澤，淒涼念昔賢。高曾仍並美，姓

氏永流傳。余先文恪公以文學受知聖祖，恩遇日隆。余先曾祖枝山公以纂脩

書籍世宗登極，由部曹起家，別歷中外。拜獻凌雲賦，廣颺湛露篇。

文章王伯厚，翰墨柳公權。奕世門楣舊，承家禮法

虔。鳴珂趨魏闕，橐筆走幽燕。結騎矜鳴鏑，揚

鏢睹控弦。先文恪公扈從出塞，征噶爾丹蒙恩賜監甲等物。嚴霜寒白

刃，旭日暗雕鋌。長揖將軍府，論交待御員。層霄摧

鶴鶴，峻嶺逐鷹鷂。沙影迷銀勒，嵐光耀錦韉。手弓

馳虎穴，佩劍肅鴛聯。賜璽榮黃霸，敦仁繼薛

宣里閻。遵則倣中外，賴陶甄。崔杜衣冠古，元韋組

綬纏。嚴君耽寂寞，雅志愛林泉。知止心常曠，含淳

地自偏。明軒晴點易，淨室輒逃禪。絕口談臧否，和

光誦五千。間尋方外傳，遐泝葉舟扁。先君子精于

坐一室而游心萬里。擊楫雙眸迴，凌虛萬里遶。崑崙參李耳，

蓬島訪彭篋。接跡瑤池侶，追蹤赤鯉仙。籠禽嗤術

士，霧豹得真詮。鐘鼎鋪盈座，丹青列滿筵。先君子好收藏

丹青古玩兼擅琴曲，平居風雨率以此自娛。蟠螭驚獸伏，畫壁挾龍跽。

案設江心鏡。鑪銘紫背鉛。有時憑粉本。率意寫烏

箋。先君子善畫墨蘭及龍秃管神尤健。枯枝色愈妍。酣傾焦

遂斗。倦枕伯牙絃。笑傲輕千駟。逍遙渺八埏。朋來

閒賭奕。興到偶題鞭。齊物宗莊叟。忘機擬偃佺。鷗

鵬飛杳杳。鴻鵠遞翩翩。豈意巖中柏。翻成雪裏蓮。

慈顏空想像。垂訓待雕鐫。先君子著有仙佛考証元白詩箋及竹蔭吟草

未處士星終隱。令威鶴未還。不勝心恨恨。無奈涕

涓涓。顧我拙詞藝。撫躬負祖先。抱疴宜鶴侶。賦命

暗牽躓。愚魯謀恆失。迂拘願每愆。飢驅慙乞米。鼎

折藉支輒。環堵如原憲。孤懷似大顛。生涯嗟已矣。

家計日蕭然。縱有盧仝婢。難炊甯子饘。小齋慵偃

仰。曲沼遡洄浴。陶令存三徑。揚雄寄一廛。夙希南

郭隱。非傲北窗眠。往事成泡影。前程付逝川。剛腸

徒激烈。薄病摠沈綿。鄙性多違俗。狂吟等噪蟬。空

囊全阮籍。利口遜田駢。訥比周昌吃。藏虛鄧氏錢。

守愚甘陋巷。無夢躍澄淵。睡少嫌宵永。胸煩覺漏

延。澆愁惟濁酒。破悶向殘編。問字何人到。疏簾罕

客攀。裁詩消塊磊。捫舌久關鍵。豈若勤耕種。相於

理陌阡。衡茅高枕穩。草野荷鋤便。南畝堪舒目。東
湖好放船。綠波紛掩映。紅蓼媚淪漣。叢菊凝霜艷。
崇蘭浥露鮮。會當燒筆硯。長此伍漁佃。散髮來松
下。烹茶試雨前。結籬除棘刺。薤蔓護菘莖。快得劉
伶醉。饑流左相涎。詎期秋穫斂。適值水潺湲。今秋大江
南北數縣患水。欲死憂臣朔。潛居愧善卷。少成王粲弱。壯
乏石郎拳。脫粟稀充釜。寒齏暫當鱸。敢誇經作苑。
竊比管窺天。屋小差容膝。牆低可及肩。綈袍增眷
戀。盛世幸生全。志士不忘壑。書癡合在田。雲

龍推屈子。編紵數張騫。把臂迎朝旭。班荆話暮煙。
庭梅開冉冉。隣樹鬱芊芊。小飲歡情洽。清言俗念
捐。良辰時往復。勝景屢勾連。杯泛醅頭綠。盤蒸縮
項鱸。攜觴迭賓主。賭韻互精研。本以膈肝信。兼因
文字緣。淺深雖各判。情性未殊懸。管鮑應如是。陳
雷莫讓焉。寓書爭洗濯。循分飽腥羶。車笠盟無貳。
金蘭契共專。念余多錯忤。感爾特周旋。慷慨百端
集。牢騷疊慮牽。臥游滄海闊。余屢夢涉海坐詠碧
山巔。栽竹凌冬勁。投綸釣月圓。命乎原莫挽。筆也

愧如椽久約交纔見貧居節愈堅浩歌聊一泄知
我慎思旃

漫言

芝亭居士鹿園人溟渤浮漚暫寄身槐國榮華原
是夢陽臺雲雨本非真稚川丹轉平生志季子金
多宿世因悟徹客塵無上義三山孔邇未爲神

白雪歌效岑嘉州體

北風一夜天飛雪彤雲慘淡寒凝結層冰峩峩十
丈強飛花片片千點翔遙看老樹煥光彩極目平
原眩銀海正是幽人高臥時安知猛將建功奇交
河風急旅愁絕輪臺客舍鳥飛滅瀚海闌干凍不
開天山雪滿角聲哀將軍高會嫌爐火壯士從征
指交隨遠戍迢迢邊路長幾人衣錦還故鄉

寒夜獨酌次李青蓮答從弟幼成過西園見

贈韻

寒風吹落日清夜息羣誼病閒絕儕侶才薄老田
園眷言酌春酒笑傲來東軒是時逸興發浩氣凌
蓬門雖無賓在座快得酒盈樽舉盃邀皓月四顧

歇人言。燈影滿圖史。相對殊紛繁。感此重觴進。陶然破塵昏。傾壺裁短句。佳趣難具陳。

余讀李青蓮集有醉後答丁十八黃鶴高樓已搥碎一詩昔人謂是贗作余謂如集中笑矣乎悲來乎諸詩疑亦多僞託從來魚目混珠罔知分別慨焉深歎寄懷于言因戲效黃鶴樓鸚鵡洲二律詩體賦此

題詩崔顥在樓頭。白也無詩黃鶴樓。黃鶴一舉渺雲漢。高樓終古增風流。揚翻搥碎爭傳誦。笑矣悲來僞不休。莫歎明珠混魚目。只今誰辨謫仙儔。

晚景

晚景極清寥。移情酒一瓢。梅香初破萼。風勢遠含條。去鳥隨雲沒。炊煙帶雪飄。怡然茅屋下。樂此百憂消。

長門怨

金屋塵封不再過。幾回臨鏡淚如波。杜門病廢秋風客。買賦無緣可奈何。

銀燭闌珊別緒新。夜深前殿按歌頻。紅顏自昔多

無遇。休怨長門不遇春。

偶然作詠古四首

豫讓事范氏。碌碌無他技。一朝爲智伯。矢志不忘死。吞炭變音容。漆身易素履。念茲感余懷。國士報如是。

郢客歌陽春。哀音空繞雲。巴人唱下里。和者數千人。是知大雅士。從來卓不羣。魯連好奇策。卒蹈東海濱。

周勃起販繒。樊噲困屠狗。翁子老負薪。長卿嘗沽酒。諸賢豈不才。遺之在郊藪。咄嗟風雲合。儕輩驚露綬。

伯休旣遺世。世亦棄伯休。賣藥長安市。混迹商賈流。志士安固窮。識者自難求。誰如圯橋叟。納履知留侯。

書周之冕所畫花卉冊次陸放翁花時游徧

諸家園韻

凍合西阡復北阡。夕陽黃葉失春妍。那知一管生花筆。拗出東風作意顛。

融融冶冶蝶蜂狂。桃葉桃根相映芳。實欲喚迴王子敬。春江共渡泛沙棠。

絲絲風柳鬪腰柔。只此眞堪字莫愁。卻怪人間多耳食。煙花艷說是揚州。

少小曾聞國士風。負疴長臥一塵中。披圖忽到河陽縣。看徧名花淺淡紅。

述舊示客影上人卽以留別次李謫仙酬王

補闕翼惠莊廟宋丞泚贈別韻

我生值暮春。原是鏡花人。鷲嶺前緣在。曹溪夙願

親。偶來人間世。遂與漁樵隣。本非玉堂器。莫夢青雲賓。心猿無定止。野鶴難爲馴。忽忽成老大。昏昏昧性眞。迷途一矢所。流浪萬丈津。業深病魔逼。勢甚虎狼秦。翹企靈山路。愴懷孽海淪。作詩誌衣帶。竊附子張紳。

憶昔二十春。讀書懷古人。十年勤精進。才薄負顯親。疏花結良友。皓月作芳鄰。忽悟三千界。浮生逆旅賓。靈椿未爲壽。騏驥暫時馴。四大本來假。六塵亦非眞。脫身煩惱地。舉足恆河津。少君空煉藥。毛

女苦逃秦蕙居超暗室長此免沈淪他日還相見
毋忘視此紳

燕歌行次謝康樂燕歌行韻

和衣薄睡夢難成老雁一聲霜滿庭涼月娟娟寒
繡楹良人行役成邊城邊城迢迢萬里征紅闥寂
寂遲漏鳴漏長夜永涕沾纓託寫柔情彈素箏一
彈再鼓不成聲尖風似刀穿畫屏其雨其雨天地
青傘帷遙望明雙星

觀王麓臺青綠山水畫障次謝康樂登石門

最高頂韻

平生邱壑志雅愛在巖栖抗懷登絕頂傾念注清
溪崇崖鬱爭秀片石自成基境僻紅塵隔山深白
日迷精心結危棧妙筆闢恆蹊澗曲泉流緩林幽
鳥不曉向平呼欲出禽慶快相攜峯腰露茅屋嶺
腳鎖春萸松濤聞約略樵徑細安排卽此多佳趣
舉目躡雲梯

哭四兒

十二月二十二日擁衾夜坐風雪冰
人愴然作此

十八年來似夢中曇花一現甚忽忽豈緣顧復疏

他日天汝天年乃若翁。

汝生十載始能言。去歲曾將詩句論。悔殺當年勤
課讀。傷心何忍賦招魂。

除夕

一歲又從今夕盡。

文衡山句

茫茫世事渺前程。西河抱

痛慚先哲。劉向談經愧後生。有酒莫澆心緒惡。無
才贏得俗緣輕。漫看兒女偏多趣。閒寫宜春互品
評。

爆竹聲聲歲又更。病軀那復計雲程。長愁不盡憐

孫楚。太息無端類賈生。雪屋寒嚴催鬢改。兩窗鏗
靜落花輕。汝南清論成陳跡。斯世何人月旦評。

